


MAK Yakŋ Ohirand Ya  
Imbir Makiv Mpamar



Mark in Nend

**MAK Yakŋ Ohirand Ya Imbir Makiv Mpamar  
Mark in Nend**

copyright © 2003 Pioneer Bible Translators

Language: Nend

Contributor: Bible Society of Papua New Guinea

**MAK  
Yakŋ Ohirand Ya Imbir Makiv Mpamar**

This translation was produced by Pioneer Bible Translators, and was published in 2004 by the Bible Society of Papua New Guinea. If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org). This translation is made available to you under the terms of the Creative Commons Attribution Share-Alike license 4.0. You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-02-11

---

PDF generated using Haiola and XeLaTeX on 1 Oct 2024 from source files dated 29 Jan 2022  
a2fc7d6d-4214-5c5e-8e66-698b0af5404c

## Contents

MAK . . . . .	1
---------------	---

## **Yakŋ Ohirand Ya Imbir Makiv Mpamar**

### **Jisasiv ai wiram akŋ anchi akŋ han kamar, Yakŋ Ohirav osa anchi hanaveaŋg ŋimbiz mbikir kwŋ ŋindiramŋgi handiv**

(1.1–3.6)

*Jonih wiram osa anchi han yambij ŋazikŋirinŋwiŋgw ŋambiahahind hamb ya enŋwanj (Matyu 3.1-12; Luk 3.1-9, 3.15-17; Jon 1.19-28)*

<sup>1</sup> Mban ya imbir Jisas Kraisind, ndin Yakŋ Ohirand Nor. Ya hamb mbanave ahevakarimar.

<sup>2</sup> Enjambir han Aisaiav, wiram Yakŋ Ohirand ya injambir ahe kahind hamb mbi mbanave mpamar.

Ndiŋ wan amar. Nzi kaŋ ihind wiram ya hirandand hamb mboz injore ondari amar.

Mbi mboz we nandiv empasam osarindari amar.

<sup>3</sup> Mbi isupir wiram mah haŋ itikirim aware kandari amar.

Aniŋnsar Ohirandiv empasam osarivar arar kandari amar.

Ndindiv empasam impumpir ohira akŋ han omanenta sivar arar kandari amar.

<sup>4</sup> Mach, Jonimb isupir wiram mah handih ahevakarimar. Ahevakare osa anchi han ya mbanave sikah omar. Ami mpi itimaimŋgin nzi andiŋ yambij ŋazikŋirinŋwiŋgw ŋambiahah, Yakŋ Ohirav amandiŋ enta kivah han usindari amar.

<sup>5</sup> Mach, wiram akŋ anchi akŋ isupir Judiand aiampira Jerusalemind hamb Jonind piŋ ai, mbindiŋ enta kivah simŋganj han injambir ahah kamŋgimar. Kamŋgiz mach raz, Jonimb ndiŋ yamb Jordan handih ŋazikŋirinŋwiŋgw ŋambiahah omar.

<sup>6</sup> Jonimb yupir hirahir osapir kamelind ndi han hiranj. Mbi oriham unŋkirunŋgir han mira ohirand upiriŋ unŋkiranj. Unsa mbikir han etameram akarank antand, mbi han nanj.

<sup>7</sup> Mach, mbi ya enŋwe kamar. Wiram emŋga hamb ihind mapiŋ aindari amar. Ndin wiram ohira ankaripirnsind, mbi yan epari amar. Yan wiram imbim amar. Nzi andamesa mpiroriziŋgwi nzihanave mirupir mbikir han inimbimiŋ amar.

<sup>8</sup> Nzi andiŋ yamb imbimun ŋazikŋirinŋwiŋgw ŋambiahajin amar. Mbip Kipir Imbir Yakŋ Ohirand han kaz ŋkai andiŋ ngwevondari amar.

*Jonimb Jisasih yambij ŋazikŋirinŋwi ŋambiahamar (Matyu 3.13-17; Luk 3.21-22)*

<sup>9</sup> Mach, haŋonaŋg Jisasiv aiampira mbikir Nasaret, isupir Galilind haŋ erere avihomar. Avihoz Jonimb ndin yamb Jordaninŋ ŋazikŋirinŋwi ŋambiahamar.

<sup>10</sup> ŋambiahazand sihawarohe waz rakav kirim ŋenduwar. ŋenduwarzand Kipir Imbir Yakŋ Ohirand hamb apa ikŋiŋgwim emamp ipindahe ndiniŋ ŋkaimar.

<sup>11</sup> Az Yakŋ Ohirav mbikir Aiampira Ohira ŋaŋ handih ŋi kamar. Nan ihind Nor amar. Nzi nandivon rin amar. Ihind mpi hamb nandiv imbirpamun ŋi amar.

*Satanimb Jisasih mbiŋgir enŋwanj (Matyu 4.1-11; Luk 4.1-13)*

<sup>12</sup> Mach, haŋonaŋg Kipir Imbir Yakŋ Ohirand hamb Jisasih ke mpimbi ŋavizuz isupir wiram mah handih omar.

<sup>13</sup> We yunŋ undimajivam ohira (40) ŋiz ŋizand Satanimb ndiniŋ mbiŋgir enŋwanj. Mbiŋgir enŋwazand, Jisasiv miroyam antandmen ŋizand, Yakŋ Ohirand mapiŋ akŋ hamb ndin pirasimŋganj.

*Jisasiv isupir Galilind handih ntij ondo ake namar  
(Matyu 4.12-17; Luk 4.14-15)*

<sup>14</sup> Mach, Herotiv Jonih oram kivahin ngame inchakariz nizand, Jisasiv erai isupir Galilind handih ahevakarimar. Ahevakare Yakn Ohirand ya imbir han hiro hirai engwanj.

<sup>15</sup> Ave mbi mbanave kanj. Yunk Yakn Ohirav ngamimar hamb ndih ahevakari aranj. Yunk Yakn Ohirav osa anchi hanaveang njimbiz mbikir kwij nindiramngi kehamb ikwim ndih ivimbiri aranj. Ami Yakn Ohirand ya imbir mban njihame mpi itimai njih ankaripir ne njihambar aranj.

*Jisasiv wiram kira undimajivam oma nanind han kaz ndin mpehiromngimar  
(Matyu 4.18-22; Luk 5.1-11)*

<sup>16</sup> Mach ave, Jisasiv yamb ohira ondihondih Galilind ampanam omar. We nde waz Saimonimb ranir Andrumen mbindin aňanan han avizingwiŋgw nimngimar. Mbindin ntij han oma nanindivam.

<sup>17</sup> Az Jisasiv ndin kamar. Ami ai yan mpehiraivar amar. Aimngin nzi andin wiram hanave njimbimb han mbiramij amar.

<sup>18</sup> Aviz mach, pams hanon nondirahe mbindin aňanan akn han erere ndin kirim mpehiromngimar.

<sup>19</sup> Mach, mbi siwanjkw siwanjkw re waz Sebedind nor kira undimaj hamb Jemsind Jonind uting unchan nihiri mbindin aňanan akn han omanenta siz nimngimar.

<sup>20</sup> Nimngizand Jisasiv ndin orengimar. Orengiz, mbi nondirahe wanir mbindin Sebedih erere etomngimar. Sebediv mbikir wiram kira ntinindimen uting unchan nimngizand, undimaj hamb nondirahe Jisasih kirim mpehiromngimar.

*Jisasiv wiram iti kivahinsind kehan iti kivah han kiangwimar  
(Luk 4.31-37)*

<sup>21</sup> Mach, Jisasiv sezirmen aiampira Kaperneam handih omngimar. Omngiz wer Yakn Ohirand Yunk Wir Niniind hamb ahevakariz, Jisasiv Yakn Ohirand marivai oramin ahevohe ya sikanj.

<sup>22</sup> Wiram kira ya Mosesind injambir ahe sikahind kehamb, mbi njih wiram emngand ne osa anchi han sikamnganj. Jisasip, mbi nend. Mbi mbikirun njihinam ne wiram ensansind emamp sikanj. Handiv wiram akn anchi akn hamb Jisasind ya han njihamam ntamnganj.

<sup>23</sup> Mach, yunk emnga han Jisasiv ya sikazand wiram iti kivahinsind hamb mbindin Yakn Ohirand marivai oramin nimar. Aviz iti kivah mbanamb aware kamar.

<sup>24</sup> Jisas, nan wiram Nasaretind amar. Ami arin uti sinin are ain amar. Ave arin minam kiangworangwi kivah sinin are ain oh a amar. Nzi nan ndih wajin amar. Nan wiram Yakn Ohirav kaz aimandin hamb amar.

<sup>25</sup> Hanave kaz, Jisasiv iti kivah mban ya ankaripir ke kamar. Ami ya erere wiram mban etov amar.

<sup>26</sup> Mach, Jisasiv hanave kaz, iti kivah mbanamb raz wiram mbanamb nte kirim ntahorimar. Ntahorizand iti kivah hamb itikirimun aware kirim enduwangngamar.

<sup>27</sup> Mach az, wiram akn anchi akn hamb wamngiz, ndin zinimb piringgaz mbon ya mbon ya ke kamngimar. Mban utiman ya arimngimar. Wiram mbanamb ya icha toh ki arimngimar. Ave mbi ya han wiram ensansind emamp kazand iti kivah hamb mbikir ya njhamngij arimngimar.

<sup>28</sup> Aviz pams hanon, wiram akn anchi akn isupir Galilind hamb Jisasindiv ya kirim hiro hirai kamngimar.

*Jisasiv osa anchi han omanenta simar  
(Matyu 8.14-17; Luk 4.38-41)*

<sup>29</sup> Mach ave, Jisasiv Jemsmen Jonmen Yakŋ Ohirand marivai oramiŋ ñihiri ahevetai Saimonind Andrund oramiŋ omŋgimar.

<sup>30</sup> Saimonind miŋir anchindirih mbikir yupir hamb pir ohira ñizand, antim mbikir handih ngañimar. Az Jisasih mahoror mbikir handiv kamŋgimar.

<sup>31</sup> Kamŋgiz we omanampira mbikir han ŋe ndin ŋambiahamar. Ndin ŋambiahaz mach, yupir mbikir hamb kirim imi ŋamar. Az ndiŋ hirawi unsa eŋkwanamar.

<sup>32</sup> Mach, rapiriv ŋkwuhi zuh razand, mbi osa anchi hamb wiram mahororinsind han, iti kivahinsind hanez miŋam ŋimbi Jisasind piŋ hiraimŋgimar.

<sup>33</sup> Osa anchi aiampiran ŋimŋgimar kehamb miŋam ai oram impikŋ handih aŋkwezawi ñimŋgimar.

<sup>34</sup> Aviz Jisasiv wiram akŋ anchi akŋ mahoror endiraparamnsind han omanenta si, mach iti kivahinsind kehan iti kivah han miŋam kiangworaŋgwimar. Iti kivah hamb Jisasih ndih wamŋganj. Ave ndin injambir ahamŋgiminj are ndiŋ erokare kamar. Ami yaya kamŋgimin amar.

*Jisasiv ya hirandand eŋgwamar  
(Luk 4.42-44)*

<sup>35</sup> Mach, Jisasiv mband zuhun ŋaiahe ahevai isupir wiram mah handih we Yakŋ Ohira ahaz oror ñimar.

<sup>36</sup> We ñizand Saimonimb wiram emŋgemŋgamen Jisasih kirahir omŋgimar.

<sup>37</sup> We ndin we kamŋgimar. Wiram akŋ anchi akŋ hamb nan kiramŋgimbiri arimŋgimar.

<sup>38</sup> Az Jisasiv ndiŋ kamar. Aimŋgin aiampira emŋgemŋga ikwim ikwim ñimŋgi mbanan om amar. Nzi wiram akŋ anchi akŋ ya eŋgwanjin are ondarin amar. Nzi ntiŋ handivon aindaiyin amar.

<sup>39</sup> Mach ave, mbi aiampira emŋgemŋga Galilind handih we ñi mbindiŋ Yakŋ Ohirand marivai oram unchanj ya eŋgwenŋw ndanj. Ave osa anchi iti kivahinsind kehan iti kivah han kiangworaŋgw ndanj.

*Jisasiv wiram usi aŋkaripir yupir okanŋanŋinsind han omanenta simar  
(Matyu 8.1-4; Luk 5.12-16)*

<sup>40</sup> Mach ave, wiram usi aŋkaripir yupir okanŋanŋinsind hamb Jisasind piŋ ai andamesa mpiŋoriziŋgwi ŋgwañ ekeh akŋin ŋaŋ kamar. Ami yan akŋin ñiŋan han, kan ihind usi kivah aŋkaripir hamb kweviriz amar.

<sup>41</sup> Hanave kaz, Jisasiv ndin akŋin ñi omanaka ndin insiŋ ŋgame kamar. Nzi nan akŋin ñi nan ndih omanenta sin amar.

<sup>42</sup> Mach, Jisasiv hanave kaz, yupir mbikir hamb pams haŋon omanenta ñiz, wiram mbanamb kirim imbir ramar.

<sup>43-44</sup> Aviz Jisasiv wiram mban kamar. Ami ov amar. We yupir amakir han wiram hanihan Yakŋ Ohirandiŋ ahaz ore ŋgamamind piŋ hirohe mbiram in waz amar. Mosesiv kamar amar. Wiram usi aŋkaripir yupir okanŋanŋinsind hamb, yupir mbikir hamb omanenta ñiŋinj han, mbi mirunsa ŋe Yakŋ Ohirandiŋ ahaz ore ŋgamiz arar kamar amar. Ami we hanaviv amar. Ami hanavin, wiram kira hanihan Yakŋ Ohirandiŋ ahaz ore ŋgamamind hamb we kandiramŋgi amar. Yupir amakir hamb ndih omanenta ñi arar kandiramŋgi amar. Mach, Jisasiv hanave ke wiram mban aŋkaripir erokare kamar. Ndiŋ wan amar. Ami wiram emŋga kamin amar.

<sup>45</sup> Az nend. Wiram mbanamb ya Jisasiv utuhutuh simar han hiro hirai kirim kamar. Handiv Jisasiv wiram akŋind amp in insiŋ nzihanave aiampiranj ŋgwevomir. Nend, mbi isupir wiram mah hanj ñizand wiram akŋ anchi akŋ aiampira emŋgemŋgand kehamb ndin piŋ aimŋgimar.

## 2

### *Jisasiv wiram oman andam mahahind han omanenta simar (Matyu 9.1-8; Luk 5.17-26)*

<sup>1-2</sup> Mach, Jisasiv zuh ohiron ñiñ nde aiampira Kaperneaminj ekwanj aimar. Mbi ai ñizand osa anchi ui ondond hamb kamngimar. Jisasiv ai mbikir oraminj ñiñmbiri arimngimar. Mach, hanave kamngiz, wiram akj anchi akj hamb ya han njihame ai anjwezawimngimar. Anjwezawimngiz oram hamb toriz, impikj hanez wirambam ñimar. Az Jisasiv ndinj ya enjwamar.

<sup>3</sup> Mach, wiram kira hamb wiram emnga oman andam mahahind han Jisasind pinj hirainjin are aimngimar. Wiram undimajivam mbindinj hamb iwinnkarinj izingwi ndin hiraimngimar.

<sup>4</sup> Mbi ndin hirai wamngiz sam han osa anchivam torimar. Aviz oram umpirinj awarohe sam Jisasiv ñimarinjon naziparimngimar. Naziparimngiz mach raz, wiram mban nambiahe kiripan namanngizand wiram iwinnkarinsind hamb Jisasind pinj njkwumar.

<sup>5</sup> Mach, Jisasiv ndinj waz wiram kira mbanamb njih ankaripir ñe njihamngimar. Mach az, Jisasiv wiram oman andam mahahind mban kamar. Nor amar. Nzi enta kivah amakir han ndih usin amar.

<sup>6</sup> Mach, mbi hanave kaz, wiram kira ya Mosesind injambir ahe sikahind hamb ngariwi mbon mbon njihinjam njihamngimar.

<sup>7</sup> Utindiv wiram mbanamb ya kehand han ki arimngimar. Mbi Yakj Ohirah yarahi arimngimar. Yakj Ohirav mbonam enta kivah han imbir usimir arimngimar. Wiram imbir hamb nend arimngimar.

<sup>8</sup> Hanavav njihamngizand, Jisasiv mbindinj njih akj han ndih wamar. Ave ndinj amare kamar. Ami utindiv njih kehan njihamngin amar.

<sup>9</sup> Nzi utiman ya wiram oman andam mahahind kehan kandin amar. Nzi imbir kamiñ, nzi amakir enta kivah han ndih usin o nzi imbir kamiñ, ñaiahe, amakir iwinnkar han ñe ov arar kamiñ amar.

<sup>10</sup> Ami han wandiramngin amar. Wiramind Nor hamb, mbi isupir mban ndin ensansind, mbi enta kivah han imbir usimir amar. Mbi hanave ke wiram oman andam mahahind mban kamar.

<sup>11</sup> Nzi nan kin amar. Ñaiahe amakir iwinnkar han ñe oraminj ov amar.

<sup>12</sup> Mach, wiram akj anchi akj hamb werimngizand, wiram mbanamb ñaiahe mbikir iwinnkar han ñe kirim ahevomar. Aviz wiram akj anchi akj han zinjimb piroringaz, mbi Yakj Ohirand ensa nambiahe kamngimar. Ari enta kehan enjambir han miwarim arimngimar. Nendon minj arimngimar.

### *Jisasiv Livai orengiz ndin mpehiromar (Matyu 9.9-13; Luk 5.27-32)*

<sup>13</sup> Mach, Jisasiv we, yamb ohira ondihondih Galilind ampanam ekwanj omar. We ñizand, wiram akj anchi akj hamb ndin pinj aimngimar. Aimngiz Jisasiv ndinj ya sikamar.

<sup>14</sup> Ya sike mach re, we nde waz Livai Alfiusind nor hamb ekwanz unki oraminj njkañimar. Az Jisasiv ndin kamar. Ami yan mpehiraiv amar. Az ñaiahe Jisasih kirim mpehiromar.

<sup>15</sup> Mach, Jisasiv Livaind oraminj we ahevomar. Ahevohe njkañi unsa namar. Wiram kira ekwanz unki ñanjind, wiram kira enta kivah sizind hambez, mbi Jisasind sezirmen ngariwi Jisasmen unsa pamind namngimar. Wiram kira kehamb Jisasinjam mpehirindamnganj.

<sup>16</sup> Mach, wiram untim Farisind wiram kira ya Mosesind injambir ahe sikahind hamb mbi wamngiz, Jisasiv wiram kira ekwanz unki ñanjindmen mach wiram kira enta kivah sizind hamen hanave ngariwi unsa pamind namngimar. Aviz wiram untim Farisind

hamb Jisasind sezir han mbanave amarimngimar. Utindiv Jisasiv wiram kira ekwanz unki njanindmen mach wiram kira enta kivah sizind hamen ngariwi unsa pamind namngi arimngimar.

<sup>17</sup> Hanave kamngiz, Jisasiv mbindin ya han njihame kamar. Osa anchi mahoror mah hamb mbi uvitand pin momngirim amar. Osa anchi mahororinsindivam hamb mbi uvitand pin omngij amar. Handiv nzi osa anchi imbir han njimbinin are maindaim amar. Nzi osa anchi enta kivah sizind han njimbinin are aindaiyin amar.

*Osa anchi hamb Jisasih unsa wiv akararindiv amarimngimar  
(Matyu 9.14-17; Luk 5.33-39)*

<sup>18</sup> Mach, ui hanonang Jonind sezir hamb unsa wiv akarimngizand wiram untim Farisindivez unsa wiv akarimngimar. Unsa wiv akare nimngizand, osa anchi hamb ai Jisasih amarimngimar. Utindiv Jonind sezir hamb unsa wiv akare nimngizand wiram untim Farisind sezir hambez unsa wiv akarimngimbiri arimngimar. Amakir sezarip nend arimngimar.

<sup>19</sup> Az Jisasiv ndin ya ahimb kamar. Yunk kehanon wiram emnga hamb anchi han nanin amar. Az kambirunjir mbikir hamb unsa wiv han imbir akarindiramngi oh a amar. Wiram kehamb mbikir kambirunjirimen nizand nend amar.

<sup>20</sup> Mbi niz nizand wiram emngemnga hamb ai ndin hiromngizand mbikir kambirunjir hamb unsa wiv han akarindiramngi amar.

<sup>21</sup> Mach, mbi mbahon kamar. Unimb imin pach icha han ne imin ipira han samir amar. Mbi hanaviz, imin pach icha hamb jambiviz ipira hamb unchirahandari amar. Unchirahaz min ohira nindari amar.

<sup>22</sup> Unimb kiripa nor yamb icha han ne mira ohirand upir anan ipira han ichimngimir amar. Mbi hanaviz, kiripa nor yamb hamb mpohirariz mira ohirand upir anan hamb akakindari amar. Aviz mira ohirand upir anan hamb kiripa nor yamb hansind kivah randari amar. Wiram hamb kiripa nor yamb icha han ichinin are, mira ohirand upir anan icha han ichimngij amar.

*Seziriv wit han Yakj Ohirand Yunk Wir Nnind han erihamngimar  
(Matyu 12.1-8; Luk 6.1-5)*

<sup>23</sup> Mach, Yakj Ohirand Yunk Wir Nnind emnga han Jisasiv sezirmen wit warin ngwevohe empasamin omngimar. Omngizand, seziriv wit han eriharih nan omngimar.

<sup>24</sup> Aviz wiram untim Farisind hamb Jisasih kamngimar. Utindiv amakir sezariv chonj han kware Yakj Ohirand Yunk Wir Nnind han ntin namngimbiri arimngimar.

<sup>25-26</sup> Az ndin kamar. Ami enta Devitiv simar han Yakj Ohirand aninziin enta unchan ni han mamehimngirim toh amar. Abiatarih wiram aninnsar ohira hanihan Yakj Ohirandiv ahaz ore ngamamind hamb nizand, Devitiv wiram untim mbikirmen ni unsa mah raz unsandiv mahimngimar amar. Ave Devitiv Yakj Ohirand Oram unchan ahevohe enka Yakj Ohirandiv ahaz ore ngamngimar han ne namar amar. Enka kehan wiram imbin hamb ne nan han nend amar. Chonj ohira amar. Wiram kira hanihan Yakj Ohirandiv ahaz ore ngamamind hambam namngij amar. Hanang Devitiv ne ne wiram untim mbikir han enkwamar amar.

<sup>27</sup> Mach, Jisasiv ekwang ke ndin kamar. Yakj Ohirav osa anchi hamb mbikir Yunk Wir Nnind han hirawimngiz are ngamimar oh a amar. Nend amar. Mbi mbikir Yunk Wir Nnind hamb osa anchi han hirawiz are ngamimar amar.

<sup>28</sup> Handiv Wiramind Nor hamb Yakj Ohirand Yunk Wir Nnind kehanez mbi Aninnsar Ohira ni amar.



### 3

*Jisasiv wiram omanaka mahoror kivahinsind han omanenta simar  
(Matyu 12.9-14; Luk 6.6-11)*

<sup>1</sup> Mach ave, Jisasiv we Yakɔ Ohirand marivai oramiɔ ekwaɔg ahevomar. Ahevohe waz wiram pamuh ñimar. Omanaka mbikir han mahoror kivahiv araziɔgwiz onsonz ñimar.

<sup>2</sup> Mach, wiram untim Farisind hamb Jisasih ya oram hironjin are ndin omanenton wehirimɔgimar. Jisasiv Yakɔ Ohirand Yunɔ Wir Ñiñind haɔ wiram kehan omanenta siz, omanaka mbikir hamb imbir ñindari han ari ndin kampihe kaɔariɔ arimɔgimar. Jisasiv Yakɔ Ohirand Yunɔ Wir Ñiñind haɔ ntiɔ ɔandiɔ arar kaɔariɔ arimɔgimar.

<sup>3</sup> Mbi Jisas werer ñimɔgizand Jisasiv wiram omanaka mahoror kivahinsind han kamar. Ami ai uhim mbanaj aɔkwañimb amar.

<sup>4</sup> Mbi ai ñizand Jisasiv wiram untim Farisind han amarimar. Ari Yakɔ Ohirand Yunɔ Wir Ñiñind haɔ enta imbir sindirariɔ oh o ari enta kivah sindirariɔ oh amar. Ari wiram pirasiriɔ imbir ñindari oh o ari wiram mamta orindirariɔ oh amar. Jisasiv hanave kaz, wiram untim Farisind hamb ya mikamɔgim.

<sup>5</sup> Az Jisasiv ndiɔ werer nde waz mbi entacha amamɔgiz handiv Jisasind mpi hamb piraz ndiɔ aɔkwi simar. Ave mbi wiram omanaka mahoror kivahinsind han kamar. Omanaka amakar han irivir amamb amar. Az mbi mbikir omanaka han irivir amaz mach mbikir omanaka hamb imbirun ñimar.

<sup>6</sup> Aviz wiram untim Farisind hamb pams haɔon ɔondirahe Yakɔ Ohirand marivai oram han erere omɔgimar. We Herotind untim men aɔkwezawi Jisas mamta ororndiv ya orimɔgimar.

### **Jisasiv mbikir aɔkaripir mbiramiz, kirim osa anchi aiampirand hamb njihim minjihamɔgim**

(3.7–6.6)

*Wiram akɔ anchi akɔ hamb Jisasih mpehiromɔgimar  
(Luk 6.17-19)*

<sup>7-8</sup> Mach, Jisasiv sezirmen aiampira han erere yamb ohira ondihondih Galilind ampanam omɔgimar. Omɔgizand wiram akɔ anchi akɔ isupir Galilind hamb ɔondirahe ndin mpehiromɔgimar. Osa anchi isupir Judiand, aiampira ohira Jerusalemind, isupir Idumeand, yamb ɔking yamb Jordand, osa anchi aiampira Tair ikwim ñimɔgimar hamb, mach osa anchi aiampira Saidon ikwim ñimɔgimar hambez, mbi Jisasiv utuhutuh akɔ han simar han njihame ɔondirahe ndin piɔ aimɔgimar.

<sup>9-12</sup> Jisasiv wiram akɔ anchi akɔ mahororinsind han omanenta sanj. Aviz iti kivah hamb ndin waw hanaveam ndin piɔ ɔgorahirahir kwa aworimɔginiɔ kamɔganj. Nan Yakɔ Ohirand nor arimɔganj. Az Jisasiv ndiɔ ya aɔkaripir ke erokarar kanj. Yan injambir ahe kamɔgimin aranj. Aviz osa anchi mahororinsind hamb ndin ɔgiɔanjin arar mbiɔ mbiɔ ɔimbizo ɔimbizai kworaɔkworor ndin piɔ aimɔgimar. Osa anchi hamb hanavav aimɔgizand, Jisasiv njihamimar. Yan kware ɔavizumɔgiminj amar. Handiv mbi sezirih kamar. Yandiv utiɔg han hirai ikwim ɔgambar amar.

*Jisasiv wiram oman ɔkiniɔ undimaj han ensamamar  
(Matyu 10.1-4; Luk 6.12-16)*

<sup>13</sup> Mach, Jisasiv aparimaɔ awarohe wiram kira ensamaɔnin are ramar han oreɔgiz ndin piɔ aimɔgimar.

<sup>14</sup> Aimɔgiz mbi wiram kira oman ɔkiniɔ undimaj han ndinmen ñimɔgiz are ɔimbimar. Ave Jisasiv ndiɔ kamar. Nzi andiɔ wiram kira mban ami ihind ensaɔ ntiɔ ɔanindiv uyiziɔgwin han ensamin amar. Nzi andiɔ Yakɔ Ohirand ya hiro hirai osa anchi enɔgwenɔgwindiv ensamin amar.

<sup>15</sup> Ave nzi andiŋ iti kivaŋ kianŋworanŋwanŋwindivez enŋa ohira mach anŋkaripir enŋwin amar.

<sup>16-19</sup> Mach ave, Jisasiv wiram oman ŋkinŋinŋ undimaj han ensamamar. Mbindiŋ enŋa han mbanimb: Saimon, (Jisasiv ndin enŋa emŋga mbikir Pita enŋwamar), Sebedind nor kira undimaj han mbindiŋ enŋa han Jems Jon, (Jisasiv undimaj han enŋa emŋga Boanerges enŋwamar. Enŋa kehand ondo han mbanimb: wiram ya ema ŋkiranŋirind emamp.) Andru, Filip, Bartolomyu, Matyu, Tomas, Jems Alfiusind nor, Tadius, Saimon untim Selotind, mach Judas Iskariot, mbi Jisasih kambiriŋirind oman insiŋ ŋgamimar.

*Jisasiv Belsebulmen ntiŋ ŋi arimŋgimar  
(Matyu 12.24-32; Luk 11.14-23; Luk 12.10)*

<sup>20</sup> Mach ave, Jisasiv mbikir sezirmen oramiŋ ahevomŋgimar. Ahevomŋgiz wiram akŋ anchi akŋ ohiron hamb Jisasind piŋ ai anŋkwezawi ŋimŋgiz, handiv Jisasiv mbikir sezirmen ntiŋ ohira ŋe unŋa nzihanave namŋgimir.

<sup>21</sup> Aviz Jisasind ziŋgir hamb han njihame kamŋgimar. Jisasiv ndih eraher awi arimŋgimar. Ave ndin ŋanin are ŋondirahe aimŋgimar.

<sup>22</sup> Aimŋgizand, wiram kira Jerusalemind ya Mosesind injambir ahe sikahind hamb aiampira ohira Jerusalemind erere ŋketai eretai ŋihiri kamŋgimar. Iti kivaŋind aniŋnsar han, mbikir enŋa Belsebul, Jisasih ŋgiŋe awarohe ŋiŋmbiri arimŋgimar. Ave iti kivaŋind aniŋnsar mbanamb Jisasih anŋkaripir enŋwazand, mbi iti kivaŋ han kianŋworanŋwij arimŋgimar.

<sup>23</sup> Hanave kamŋgiz, Jisasiv ndiŋ oreŋgiz aimŋgimar. Aimŋgiz mbi ya ahimb mban kamar. Nzihanave Satanimb Satanonang kianŋwimir amar.

<sup>24</sup> Wiram isupir ohira kivaŋ wererind emŋga hamb ŋimmar amar. Kirim mbikir osa anchi hamb kwiri mbon mbon imbir ŋimah re era mpamŋgimir han isupir kehamb nzihanave ŋimmar amar.

<sup>25</sup> Mach, osa anchi ziŋgirind hamb kwiri mbon mbon imbir ŋimah re era mpamŋgimir han ziŋgir mbanamb nzihanave ŋimmar amar.

<sup>26</sup> Mach, Satanind untim hamb kwiri mbon mbon imbir ŋimah re era mpamŋgimir han mbi miŋimŋgimir amar. Mbi miŋam kwevirimŋgimir amar.

<sup>27</sup> Mach, Jisasiv ekwanŋ ke kamar. Wiram emŋga hamb utizi wiram anŋkaripirind oramiŋ ahevohe hanihan mbikir han mamah ŋimbimir amar. Nend amar. Mbi wiram anŋkaripir han kiripanŋ kiravihaz ŋgaŋizand imbir hanihan han mamah ŋimbimir amar.

<sup>28</sup> Nzi andiŋ miŋun kin amar. Wiramb utuhutuh enta kivaŋ sindiramŋgi han, utuhutuh ya kivaŋ Yakŋ Ohirah yarahe kandiramŋgi han, Yakŋ Ohirav enta kivaŋ kehan imbir usindari amar.

<sup>29</sup> Kirim wiramb ya kivaŋ Yakŋ Ohirand Kipir Imbirih yarahe kandiramŋgi han, Yakŋ Ohirav enta kivaŋ kehan musindiram amar. Wiram kehamb kivaŋ ŋiz mbikir enta kivaŋ kehambez mbah ŋiŋ ndame ŋiŋ ndamiŋinj amar.

<sup>30</sup> Mbi iti kivaŋiv Jisasih ŋgiŋe awarohe ŋiŋmbiri arar kamŋgimar. Handiv Jisasiv ndiŋ kamar. Yakŋ Ohirav enta kivaŋ kehan musindiram amar.

*Jisasind miŋir runjir han uŋiman  
(Matyu 12.46-50; Luk 8.19-21)*

<sup>31</sup> Mach, Jisasind runjir hamb miŋir mbindiŋmen ai injambir handih anŋkwaŋihiri osa anchi han kamŋgimar. Jisasih kamŋgin ahevaiz arimŋgimar.

<sup>32</sup> Aviz osa anchi ndin ondhore ŋgariwimŋgimar hamb ndin kamŋgimar. Ndiŋ wan arimŋgimar. Yanariv arunjarmen ai injambir handih ŋihiri nandiŋ kamŋgimbiri arimŋgimar.

<sup>33</sup> Aviz, Jisasiv osa anchi han kamar. Uŋiman ihind yanŋ namunj amar.

<sup>34</sup> Ave mbi wiram akŋ anchi akŋ hamb ndin ondhore ŋgariwimŋgimar han wehirehir ŋi kamar. Mban ihind yanŋ namunj amar.

<sup>35</sup> Osa anchi hamb Yakŋ Ohirand ya njihamŋgij han ndiŋ ihind yaŋunŋ namunŋ amar.

## 4

*Ya ahimb wit norind  
(Matyu 13.1-23; Luk 8.4-15)*

<sup>1</sup> Mach ave, Jisasiv yamb ohira ondihondih ampaŋ ŋi ekwaŋ ya sikamar. Sikazand wiram akŋ anchi akŋ ohiron hamb ai ndin ondihorimŋgimar. Az Jisasiv han we utiŋ unchaŋ ŋkwuhi ŋkaŋiz, wiram akŋ anchi akŋ hamb yamb ampa ikwimun ai ŋimŋgimar.

<sup>2</sup> Jisasiv ndiŋ ya ahimb akŋ han sikanj. Ave mach, ya ahimb han mbanave kamar.

<sup>3</sup> Ndiŋ wamŋgin amar. Wiram emŋga hamb wit nor han aporiŋin are war unchaŋ omir amar.

<sup>4</sup> We wit nor han aporizand, hanaveaŋg empasamiŋ ŋgorahiriz apa hamb ai nanŋgamimŋgimir amar.

<sup>5</sup> Mach, wit nor hanaveaŋg nsiham mpiŋ ŋgorahirimŋgimir amar. Isa ohira kamah raz pams haŋon ahamŋgimir amar.

<sup>6</sup> Kirim ntir omanenta kaziŋgw mah raz, rapir hamb aharai kiraz miŋam mahimŋgimir amar.

<sup>7</sup> Mach, wit nor hanaveaŋg kiripahe ŋkiranŋ ŋgorahirimŋgimir amar. Aviz kiripahe hamb awarohe asi ŋambiŋwiz mbi nor miŋwindiramŋgim amar.

<sup>8</sup> Mach, wit nor hanaveaŋg isupir imbirinŋ ŋgorahirimŋgimir hamb mbi omanenton ahamŋgimir amar. Omanenton ahe ohirare ŋi nor omanenton ŋgwimŋgimir amar. Hanaveaŋg 30 ŋgwimŋgimir, hanaveaŋg 60, hanaveaŋg 100 ŋgwimŋgimir amar.

<sup>9</sup> Mach, Jisasiv ndiŋ kamar. Ndiŋ wamŋgin amar. Wiram njihinsind hamb mbi njihamŋgiz amar.

<sup>10</sup> Mach az, wiram akŋ anchi akŋ hamb etomŋgiz mach raz, osa anchi Jisas hanave ŋimŋganj hamb sezir oman ŋkiŋkiŋ undimajivamen, mbi Jisasih ya ahimbind ondo handiv amarimŋgimar.

<sup>11-12</sup> Amarimŋgiz kamar. Yakŋ Ohirav osa anchi hanaveaŋg ŋimbiz mbikir kwiŋ ŋindiramŋgi amar. Handiv Yakŋ Ohirand ya mbikir mpi unchaŋ ŋi han, han Yakŋ Ohirav andiŋ ndih enŋwi amar. Osa anchi injambirind hamb mbi nend amar. Mbi werindiramŋgiang, kirim mbi hanihan han omanenta miwandiramŋgim amar. Ave mbi ya ohiron njihamindiramŋgiang, kirim mbi ya ondo kehan miwamŋgirim amar. Mbi hanave re imbir mpi itimaimŋgimir oh a amar. Nend amar. Handiv Yakŋ Ohirav mbindiŋ enta kivah han musindiram amar. Handiv re nzi osa anchi injambirind han ya ahimbŋam kajin amar.

<sup>13</sup> Mach, Jisasiv ndiŋ kamar. Ami ya ahimbind ondo mban miwamŋgirim toh amar. Ave ami ya ahimb akŋ emŋgemŋga han nzihanave wandiramŋgin amar.

<sup>14</sup> Mach, wiram wit nor apororind hamb ndin wiram Yakŋ Ohirand ya enŋwandari haremamp amar.

<sup>15</sup> Wiram hamb wit nor han aporiz empasamiŋ ŋgorahiriz, apa hamb ai nanŋgamimŋgimir han, han osa anchi hamb ya Yakŋ Ohirand han njihamŋgimirang, kirim Satanimb pams haŋon ai ya han ŋe hiromir haremamp amar.

<sup>16</sup> Mach, osa anchi hanaveaŋg, ndiŋ wit nor isa nsiham mpiŋ ŋgorahirimŋgimir haremamp amar. Mbi ya han njihame ŋe ŋiŋimbam oŋambam ŋimŋgimir amar.

<sup>17</sup> Aviz wiram emŋgemŋga hamb ihind ya handiv osa anchi han kir ohira enŋwe ndiŋ enta opiha simŋgimir amar. Handiv mbi yan ererimŋgimir amar. Mbi windiv miŋindiramŋgim amar. Nend amar. Ndiŋ wit hamb ntir kaziŋgw mah ramŋgimir haremamp amar.

<sup>18</sup> Mach, osa anchi hanaveaŋg, ndiŋ wit nor kiripahe ŋkiranŋ ŋgorahirimŋgimir haremamp amar. Mbi ya han njihamŋgimir amar.

<sup>19</sup> Kirim mbi hanihan isupir mbanand handiv njihi ankaripir njihakiramamngimir amar. Nsiham nor hamb arinj omanenta hirawiz imbirun nindirarinj toh arar njihamngimir amar. Kirim nend amar. Ave mbi hanihan isupir mbanand handivam ntichimngimir amar. Aviz njihi endiraparam kehamb ndinj iriwaziz ya mbanamb mamah ngorimir amar.

<sup>20</sup> Mach, osa anchi hanaveang, ndinj wit nor isupir imbirinj ngorahirimngimir haremamp amar. Mbi ya han njihamngimir han, mbi witiv omanenton ngwimngimir haremamp amar. Hanaveang 30, hanaveang 60, mach hanaveang 100 ngwimngimir haremamp amar.

*Iripir han mbikir sam ñañ ñiñ hanjam ngambar  
(Luk 8.16-18)*

<sup>21</sup> Mach, Jisasiv ndinj ekwang ke kamar. Wiram hamb iripir han hirai nchi kwinj ngamngij oh o antim kwinj ngamngij oh amar. Nend amar. Mbi iripir han mbikir sam ñañ ñiñ hanjam ngamngij amar.

<sup>22</sup> Wiram hamb utuhutuh han ankwazimngiz han Yakñ Ohirav injambir ahandari amar. Wiram hamb utuhutuh han aminangworimngiz hanez Yakñ Ohirav injambir ahandari amar.

<sup>23</sup> Wiram njihinsind hamb mbi njihamngiz amar.

<sup>24</sup> Mach, Jisasiv ndinj mbahon kamar. Ami ya mban njihame omanenta wavar amar. Ami hanihan wiram engwamngirin han, njiminj han Yakñ Ohirav andinj mbinj han hanonang engwandari amar. Ave mbi andinj hanaveang mpaji mbah engwandari amar.

<sup>25</sup> Aviz wiram emnga hanihansind han ndin Yakñ Ohirav ekwang hanaveonang engwandari amar. Kirim wiram hanihan mah han Yakñ Ohirav hanihan nor mbikir han minjam njimbindari amar.

*Ya ahimb wit noriv ahevakararind*

<sup>26</sup> Mach, Jisasiv kamar. Yakñ Ohirav osa anchi hanaveang njimbiz mbikir kwinj nindiramngi han, han wiram hamb wit nor han isanj aporimir haremamp amar.

<sup>27</sup> Az zuhind rapirind wiram mbanamb ikwi ngañi ñajahazand wit nor mbanamb ahe we ohirarimir amar. Kirim wiram mbanamb wit noriv hanave ohirarinj han, han mbi miwamir amar.

<sup>28</sup> Isavonang raz kwerivoz ahe mach zinj ampihamir amar. Ave mbi ohirare ñi apa ame nor ngwimir amar.

<sup>29</sup> Az wit hamb minj amaz mach raz, wit eriharihind inji hamb ahevakariz wiram mbanamb kirim erihamir amar.

*Ya ahimb erampir mastetind  
(Matyu 13.31-32; Luk 13.18-19)*

<sup>30</sup> Mach, Jisasiv ekwang ke kamar. Yakñ Ohirav osa anchi hanaveang njimbiz mbikir kwinj nindiramngi han, han utiman emamp amar. Handiv ari ya ahimb han nzihanave kandirarinj amar.

<sup>31-32</sup> Yakñ Ohirav osa anchi hanaveang njimbiz mbikir kwinj nindiramngi han, han erampir mastetind emamp amar. Erampir emngemngand nor han ohira amar. Mastetind nor han nend amar. Mbikir nor han ntinjind nor minj amar. Kirim wiram hamb mastetind nor han aporiz ahe ohirare ñi erampir minjam war unchand han eparinj amar. Erampir kehan ena ohirohirsind amar. Aviz apa hamb ai mpir mbikir hanj mpi asimngij amar.

*Jisasiv ya ahimbjam sikanj  
(Matyu 13.34-35)*

<sup>33</sup> Mach, Jisasiv osa anchi han ya ahimb hanonang hanonang sikanj. Osa anchi hamb ya ahimb imbir njihamnganj hanjam, Jisasiv ndinj mbahon sikanj.

<sup>34</sup> Mach, Jisasiv ndin ya ahimbɔam sikanj. Kirim osa anchi hamb etomɔgiz, sezirivam ndinmen ñimɔgiz Jisasiv ndinji ya ahimbɔnd ondo han orapaizɔnganɔ sikanj.

*Jisasiv kaz uvika yambika ohirav mach ramar*  
(Matyu 8.23-27; Luk 8.22-25)

<sup>35</sup> Mach, nanempand zuh razand, yunk hanonang, Jisasiv mbikir sezirih mbanave kamar. Aimɔgin yamb ohira ondihondih nkingin evahetom amar.

<sup>36</sup> Aviz seziriv wiram akɔ anchi akɔ han erere uting Jisasiv ñimar han nkwehohe ndin hirevahomɔgimar. Azand, uting emɔgemɔga kehambez hanave ñimɔgimar.

<sup>37</sup> Evahomɔgizand, uvika yambika ohirav ñaiahe ichij ñimar. Uvika yambika ohirav ichiz ichizand yamb hamb uting unchan irizɔngwiz torin are ramar.

<sup>38</sup> Mach, Jisasiv uting wa handih ñi ikwi ngañimar. Nsar kwaravizahah han ngame ngañimar. Ngañiz ndin emire kamɔgimar. Anizɔn entand arimɔgimar. Ari machun, ndih mandirarin arimɔgimar. Ami arin njihamin oh o nend arimɔgimar.

<sup>39</sup> Mach az, Jisasiv ñaiahe uvika yambika han ankaripir ke mbanave kamar. Mach, ererivar amar. Hanihaz mach uvi hamb mazand yamb hamb enta maram.

<sup>40</sup> Ave mbikir sezirih amarimar. Ami utindiv ezandikimɔgin amar. Ami njih ankaripir minamɔgimbiram amar.

<sup>41</sup> Az ndin zɔimb pirorɔngaz mbon ya mbon ya kamɔgimar. Wiram mban uñiman arimɔgimar. Mbi kaz uvika yambika hamb kirim mach ramɔgi arimɔgimar.

## 5

*Jisasiv iti kivah han kiangwimar*  
(Matyu 8.28-34; Luk 8.26-39)

<sup>1</sup> Mach, Jisasiv mbikir sezirimen we yamb ohira ondihondih Galilind nking handih evahetohe, isupir aiampira Gerasa ikwim handih ahevikiromɔgimar.

<sup>2</sup> Ahevikirore uting han erere ngahankwamɔgiz wiram iti kivahinsind hamb iti okahahind aiampira handih ñi erere Jisasind pin aimar.

<sup>3</sup> Wiram kehamb iti okahahind aiampira handih ñanj. Enjambir han wiram emɔgemɔga hamb ndin ñe kiripan vihe kirim nend ramɔganj. Ndin kiripa ankaripirinjez vihamɔnganang, hanez nendang.

<sup>4</sup> Wiram aiampirand hamb kiripa ankaripirin mbikir oman andam vihamɔgizandang, nend ranj. Mbi kirim orakazɔnganj. Aviz wiram emɔgavang ndin aminjin han, nend ranj.

<sup>5</sup> Wiram kehamb zuhind rapirind iti okahahind aiampira handih ñanj. Mach aparima handihez ñiñ kwa awarar yupir mbikir han nsiham han njimbimb mbonang ekazɔnganj.

<sup>6</sup> Mach, wiram mbanamb waz Jisasiv tanpiron ñizand aniranir ai Jisasind pin andamesa mpirorizɔngwimar.

<sup>7-8</sup> Az Jisasiv iti kivah han mbahon kamar. Ami wiram mbanan erere etov amar. Aviz iti kivah hamb kwa ankaripir aware kamar. Jisas Nan Yakɔ Ohira ñanj ohirand Nor amar. Ami yan uti sin are ain amar? Yakɔ Ohirav yan werizand nan kin amar. Ami yan kivah simin amar.

<sup>9</sup> Aviz Jisasiv kamar. Amakir ensa han uñiman amar. Az iti kivah mbanamb kamar. Arin ohiron amar. Ave arinind ensa han Wiram Ohiron Ankwind amar.

<sup>10</sup> Ave mbi mbahon mbahon amarimar. Ave ami arin kiangwim isupir mban erere etomirin amar.

<sup>11</sup> Mach, mira untim ohira hamb aparima ikwim handih ñihiri nanan ndahirimɔgimar.

<sup>12</sup> Az iti kivah kivah hamb mira untim ohira han we Jisasih mbahon mbahon mbanave kamɔgimar. Arin kan we mira untim ohira keɔ ngwevetom arimɔgimar.

<sup>13</sup> Az Jisasiv kamar. Aria amar. Ami we ngwevetovar amar. Mach, mbi hanave kaz iti kivah kivah mbanamb wiram mban erere we mira untim ohira mbanan pamuh pamuh rar ngwevetomɔgimar. Ngwevetomɔgiz mira untim ohira mbanamb

ḡondirahe ankaripiron anjiraḡir we yamb isantu handih piḡaḡore yamb unchan kḡiroringwiḡḡimar. Kḡiroringwi yamb ne mamḡḡimar. Mach, mira untim ohira han mbanave 2000.

<sup>14</sup> Mach, mira mbanamb hanaviḡḡiz wiram kira mira wehirehirind hamb kirim kiroringḡimar. Kirore we osa anchi aiampirand han, mach osa anchi aiampira injambir ḡimḡanj hanez enta Jisasiv simar handiv ya kamḡḡimar. Kamḡḡiz osa anchi hamb han njihame mbi han waḡin are aimḡḡimar.

<sup>15</sup> Osa anchi hamb ai Jisasind piḡ ahevikirore wamḡḡiz wiram Jisasiv iti kivah kivah kiangworaḡwimar hamb ndinmen ḡimar. Njahi mbikir hamb uyakaz mbi imin epe ḡkaḡimar. Mach, osa anchi hamb han we ezandikḡimḡimar.

<sup>16</sup> Az wiram mira wehirehirind hamb Jisasiv wiram iti kivahinsind han mach mira akḡ han enta hanave siz wamḡḡimar handiv osa anchi han yaya han sikamḡḡimar.

<sup>17</sup> Mbi ya han kamḡḡiz osa anchi hamb njihame ḡondirahe Jisasih mbahon mbahon amarimḡḡimar. Ami isupir ariḡind mban erere ui emḡḡanj imbir etomin oh arimḡḡimar.

<sup>18</sup> Az Jisasiv han njihame ḡaiahe etoḡin are utiḡ unchan ḡkwuzand wiram Jisasiv iti kivah kiangworaḡwimar mbanamb ai Jisasih amarar kamar. Nzi nan imbir mpehiromiḡ oh a amar.

<sup>19</sup> Az ndin kamar. Nend amar. Ami amakir oramiḡ we amakir ziḡir han kav amar. Aniḡnsar Ohirav yan akḡin ḡi yan omanenta sindisi arar kav amar.

<sup>20</sup> Az mach, wiram mbanamb ḡaiahe isupir Dekapolis handih we Jisasiv ndin omanenta simar handiv kah ndamar. Aviz osa anchi hamb njihame njahi osapir njihakiramḡḡimar.

*Jisasiv nanch mamar han ḡambiahe mach anchi ukind osapir ḡanj hanez omanenta simar (Matyu 9.18-26; Luk 8.40-56)*

<sup>21</sup> Mach, Jisasiv utiḡ mban ḡe ekwaḡ yamb ohira ondihondih ḡkiḡ evahaimar. Evahai ahevakare yamb ampan ḡizand wiram akḡ anchi akḡ hamb ai ankwewazi ndin ondihore ḡihirimḡimar.

<sup>22</sup> Ndin ondihore ḡimḡizand wiram emḡḡa hamb aimar, mbikir ensa Jairus. Ndin wiram aniḡnsar Yakḡ Ohirand marivai oramind. Mbi ai Jisas we ndin piḡ andamesa mpiroriziḡwimar.

<sup>23</sup> Mbi mbahon mbahon Jisas mbanavav amarimar. Nanch ihind hamb mahoror ohiransind ḡiḡmbiri amar. Ave mbi ndihon mandari toh amar. Ami ai amakir omanaka ndin insiḡ ḡgamin mahoror mbikir hamb kweviriz mbi imbirun ḡindari amar.

<sup>24</sup> Az Jisasiv ḡaiahe ndinmen omar. Oz ozand wiram akḡ anchi akḡ hamb ndin mpehirohe ikwiḡ ikwiḡ ondihore ḡihirihir ndahirimḡimar.

<sup>25</sup> Mach, anchi emḡḡa hamb handih ḡimar. Mbi ukind osapir war oman ḡkiḡkiḡ undimaj ḡimar.

<sup>26</sup> Mbi ukind osapir ḡiḡ imbir randarin arar uvita kirand piḡ ndandand nsiham nor miḡam ḡkaranj. Aviz uvita kira hamb ndin omanenta simḡizandang, nend ranj. Uvita hamb anchi mban yupir pirivir mamah eḡwamḡanj. Mahoror mbikir hamb kirim ohirar omar.

<sup>27-28</sup> Mach, osa anchi emḡḡemḡav Jisasindiv ya kamḡḡizand anchi mbanamb njihame njahi kirim ḡamar. ḡe mbonaḡ ke mbonaḡ njihamimar. Nzi we Jisasind yupir hirahir osapir han mpariwaḡ mahoror ihind hamb imbir randari amar. Hanave njihame mbi osa anchimen we Jisasih mpehirohe yupir hirahir osapir mbikir han mpariwamar.

<sup>29</sup> Mpariwaz mbikir nti hamb kirim okarawimar. Okarawiz mach yupir mbikir hamb imbir ḡiz anchi mbanamb han wamar.

<sup>30</sup> Mach, yupir hirahir osapir han mpariwazand Jisasind ankaripir hamb anchi mbanan ḡgwevoz Jisasiv han we enariḡe osa anchi han amarimar. Uḡimb ihind yupir hirahir osapir han mpariwi amar.

<sup>31</sup> Az sezir mbikir hamb kamngimar. Osa anchi hamb nan ondhore kwaravizu kwaravizaimngi han wan oh arimngimar. Ami utindiv kan, uñimb yan mpariwi, arar kan arimngimar.

<sup>32</sup> Kirim Jisasiv uñimb mbikir yupir hirahir osapir han mpariwamar han wanin arar handiv mbah werimar.

<sup>33</sup> Werer ñizand anchi mbanamb ihind mahoror hamb ndih mach ri arar ke ezandikngimar. Az mbikir oman andam hamb ntahorizand mbi Jisasind pin ai andamesa mpirorizingwimar. Mpirorizingwi ñi ndin kamar. Nzi imbir ñin are nan mpariwin amar.

<sup>34</sup> Az Jisasiv ndin kamar. Nanch amar. Amakir njih ankaripir hamb raz amakir ukind osapir hamb ndih mach ri amar. We omanenta ñimb amar.

<sup>35</sup> Mach, Jisasiv hanave kazand wiram kira emngemnga oram Jairusind hamb aimngimar. Mbi ai Jairusih wiram anjnsar Yakñ Ohirand marivai oramñ ntin ñanj han kamngimar. Amakir nanch hamb ndih mi arimngimar. Ami utindiv Anjzin entand han kir mbahon engwan arimngimar.

<sup>36</sup> Aviz Jisasiv mbindin ya han njihameang wiram anjnsar Yakñ Ohirand marivai oramind han kirim kamar. Ami ezandikngimin amar. Yakñ Ohirand ankaripir handiv njih ankaripir ñe njihamb amar.

<sup>37</sup> Mach, hanave ke mbi Pita, Jems, mach Jemsind ranir Jon hanave mpahironin are wiram emngemnga han erokare kamar. Ami mbanan ñimbar amar.

<sup>38</sup> Mach, mbi we Jairusind oramñ ahevikirore wamngiz wiram akñ anchi akñ hamb handih ñi iti ngwañ ohira ekeh iriwazaz ihiriv ohira simngimar.

<sup>39</sup> Hanavav ñimngizand Jisasiv oram unchan ahevohe ndin kamar. Ami utindiv iti ngwañ ekeh ihiriv ohira simngimbiran amar. Nanch mbanamb mimam amar. Mbi ikwi ngaññimbiri amar.

<sup>40</sup> Az mbi han njihame ndin ñiñ kah ankwamngimar. Aviz Jisasiv osa anchi han kiangworañgwiz mbi oram han erere ahevohe injambirin ñimngimar. Ahevohe ñimngizand Jisasiv nanch hand minir wanir han mach sezir undimapam hanez njimbimar. Njimbis sam nanch hamb mamta me ngañimar handih mpahirahevomar.

<sup>41</sup> Ave Jisasiv omanaka mbikir han ngine ndin kamar. Talita kum amar. (Jisasind ya mbanand ondo han: Nanch, nzi nan kin, ami ñaiahav en.)

<sup>42</sup> Mach, Jisasiv hanave kaz nanch mbanamb kirim ñaiahe ndamar. Ndazand mbi han wamngiz mbikir minir wanirind zinimb piroringaz njih osapir njihakiramamngimar. Nanch mbanand war han oman ñkinjing undimaj.

<sup>43</sup> Mach aviz, Jisasiv minir wanirih ya ankaripir ke erokare kamar. Ami osa anchi emngemnga han enta mban wamngin handiv kamngimin amar. Ami nanch mban unsa kirim enkwamambar amar.

## 6

### *Osa anchi Nasaretind hamb njih ankaripir ñe minjhamngim*

*(Matyu 13.53-58; Luk 4.16-30)*

<sup>1</sup> Mach, Jisasiv sezirmen aiampira mban erere Jisasind aiampira ondo handih omngimar.

<sup>2</sup> We ñi Yakñ Ohirand Yunñ Wir Ñiñind han Jisasiv Yakñ Ohirand marivai oram mbanimb ahevohe ñi ondo ake ya sikamar. Ya sikazand osa anchi hamb ya mbikir han njihamngiz ndin zinimb piroringaz kamngimar. Wiram mban njih imbir ya sikahind han uñimb engwandenngwi arimngimar. Ave njih ohira kivah hiraññ ntin ñanjind hanez uñimb ndin engwandenngwi arimngimar. Ave wiram mbanamb nzihanave mbikir ntin ankaripir sij arimngimar.

<sup>3</sup> Ari wiram mban warin arimngimar. Ndin wiram oram asazind arimngimar. Ndin Mariand nor arimngimar. Mbikir runjir han Jems Josep Judas mach Saimon arimngimar.

Mbikir runjir nanch kira hambez arinmen mbanimbon ñimngi arimngimar. Ave ndin mpi pir re emakorangwimngimar.

<sup>4</sup> Az Jisasiv ya han njihame kamar. Osa anchi aiampira emngemngand hamb wiram Yakŋ Ohirand ya injambir ahe kahind hand ensa han ñambiahamngij amar. Osa anchi mbikir aiampirand hamb mbi nend amar. Untim pamind mbikir mach mbikir zingir hambez ensa mbikir han miñambiahamngirim amar.

<sup>5</sup> Mach, Jisasiv handih ñi ntij ankaripir ohiron miñam. Mbi osa anchi mahororinsind pamuh pamuh han mbikir omanaka insij ngamam mahoror mbindiñ han omanenta simar.

<sup>6</sup> Mbi waz aiampira ondond hamb njih ankaripir njihamimah ramngiz handiv mbi njih osapir njihakiramamar. Ave mach, mbi aiampira han erere aiampira emngemnga ikwim ñimngi handih we ndandand ya sikanj.

## **Jisasiv mbikir ankaripir han mbiramiz, kirim seziriv ndin omanenta miwamngirim**

(6.7–8.21)

*Jisasiv sezir oman ñkinjing undimajindiv ntij engwamar  
(Matyu 10.5-15; Luk 9.1-6)*

<sup>7-11</sup> Mach ave, mbi ñaiahe sezir oman ñkinjing undimaj han orengiz aimngimar. Aimngiz Jisasiv ndiñ undimaj undimaj rar omngiz are kamar. Nzi andiñ ensa ohira ankaripir iti kivah kiangworañgwanjwindiv ndih engwin amar. Ami onjin are aipa mporor ndand han, ami han imbir hirondiramngin amar. Ami mirupir hirimbivar amar. Kirim imin osapir undimaj han hiramngimin amar. Pamuh pamuh mach amar. Hanihan emnga han, enka, anjan, nsiham nor, han hironngimin amar. Mach, ami aiampira emngan ahevikirore oram unchan ahevondiramngin han oram hanjam ñimbar amar. Oram han ñiñ ndem aiampira han etonjin are oram han ererivar amar. Az aiampira emngand hamb andiñ ñimbi oram mbindiñ hiro mah randiramngi han, ave amandiñ ya njihamimah randiramngi han, mach aiampira han erere etovar amar. Etonjin are isarur han andamaka amandiñ ñindari kehan ñimbunjinzinge etovar amar. Mach, osa anchi aiampirand hamb han we kandiramngi amar. Ari enta opiha sirij arin enta mban mbirame etomngi arar kandiramngi amar. Ave Jisasiv ndiñ kamar. Ami undimaj undimaj rar ovar amar. Az mbi ñondirahe ramngimar.

<sup>12</sup> Mbi we osa anchi aiampira emngemngand han ya engwenjw kamnganj. Ami mpi itimaivar arimnganj.

<sup>13</sup> Ave mbi iti kivah akŋ han kiangworañgw osa anchi mahororinsind han mbingir yamb han ampihambih mahoror mbindiñ han omanenta simnganj.

*Herotiv njihamimar Jisasih ndin Jon, wiram osa anchi han yambiñ ñazikñiringwiñgw ñambiahahind arar njihamimar*

*(Matyu 14.1-12; Luk 3.19-20; Luk 9.7-9)*

<sup>14</sup> Mach ave, osa anchi hamb utuhutuh Jisasiv simar handiv yaya kamngimar. Aviz aninnsar ohira Herotiv ya han njihamimar. Osa anchi hanaveang Jisasindiv kamngimar. Ndinih Jon, wiram osa anchi han yambiñ ñazikñiringwiñgw ñambiahahind arimngimar. Mbi maz Yakŋ Ohirav ndin ekwang ñambiahar arimngimar. Handiv mbi ntij ankaripir ñanmbiri arimngimar.

<sup>15</sup> Mach, hanaveang ndin Elaija arimngimar. Mach, hanaveang ndin wiram enambir Yakŋ Ohirand ya injambir ahe kahind emamp arimngimar.

<sup>16</sup> Mach, osa anchi hamb Jisasindiv kamngiz Herotiv han njihame kamar. Jonind ngwirimb miñam akoken han Yakŋ Ohirav ndin ekwang ñambiahar toh amar.

<sup>17-20</sup> Enambir han Herotiv mbikir ranir Filipind anchi han ñoke ñe mbondiv hirañimar. Anchi kehand ensa han Herodias. Mach, Jonimb han njihame Herotih kamar. Ami



aranarind anchi n̄oke amondiv hirañin han, han enta kivah miñ amar. Handiv Yakñ Ohirav chonj ohira ngamimar amar. Aviz Herodiasiv han njihamiz mbikir mpi hamb Jonih pir razand ndin piritim emamp unganj. Mbi ndin mamta oriñin arar ndeang, kirim nend. Az Herotiv Herodiasiv imbir ñiz are mbikir ankwind han kaz we Jonih angwore ñe hirohe oram kivahin ngame kiripa ankaripirin kiraviamngimar. Aviz Herotiv waz Jonih wiram imbirpamun. Mbi Yakñ Ohirand yanjam unkiranj. Aviz Herotiv ndin ezandikinang kirim ndin omanenton werer hirañanj. Mbi Jonind ya han njihame njih osapir njihakiramanj. Az Jonimb ya han kazand akñin apar njihamanj. Ave Herotiv Jonih omanenta wehiriz Herodiasiv nzihanave ndin mamta orimir.

<sup>21-22</sup> Mach ave, yun̄k emnga han Herodiasiv waz Jon mamta ororind empasam hamb ahevakarimar. Yun̄k ohira Herotind miñir hamb ndin akarimar kehamb ahevakariz Herotiv nchamb ohira ngamimar. Ave mbi wiram kira ndin gavmand ntiñ hirawimnganj hamb, mach anin̄nsar kira ankwind, mach ohira kira isupir Galilind hanave orengiz ndin piñ aimngimar. Ai ngariwi unsa namngizand Herodiasind nanch hamb ahevai marivai insimar. Insizand Herotiv wiram kira mbanmen wamngiz imbirpam ñimar. Mach, marivai insi mach raz Herotiv nanchñir han kamar. Ami yan utuhutuhindiv kan nan kirimam engwandin amar.

<sup>23</sup> Ave mbi ankaripir kamar. Ñañ ohira amar. Ami yan kan nzi ihind isupir ohira undimaj han orake emnga ihind emnga nan engwandin amar.

<sup>24</sup> Aviz nanchñir mbanamb ahevohe miñirih amarimar. Nzi we kan yan utiman engwaz amar. Az mbikir miñiriv kamar. Ami Herotiv kan mbi Jonind nsar han ñe nan engwaz amar.

<sup>25</sup> Mach, mbi ñaiahe Herotind piñ aniranir we kamar. Navizandon Jon osa anchi han yambin̄ ñazikin̄ingwiñgw ñambiahahind hand nsar han ñe torin̄ ngwame yan engwav amar.

<sup>26</sup> Az Herotiv ya han njihamiz ndin mpi mbikir hamb kir kivah ñimar. Aviz nend. Mbikir ya ankaripir kamar handiv njihame kamar. Nzi ankaripir kan wiram emngemnga mbanamb ndih njihamngindin̄gi amar. Nzi nanchñir mbanand ya han ontavizundarin han ampi ohira ñandin amar.

<sup>27-28</sup> Ave mbi Jonind nsar han hiraindiv kaz ankwind emnga hamb oram kivahin̄ we Jonind ngwirimb han akokamar. Akoke nsar mbikir han ñe torin̄ ngwame hirai nanchñir han engwamar. Engwaz mbi hirohe mbikir miñir engwamar.

<sup>29</sup> Mach, Jonind sezir hamb yansi han njihame mbi ai yikwira mbikir han ñe hirohe nsiham min̄ ngwamngimar.

*Jisasiv unsa han wiram akñ 5,000 han enkwamar  
(Matyu 14.13-21; Luk 9.10-17; Jon 6.1-13)*

<sup>30</sup> Mach ave, Jisasind sezir hamb ekwang ai ndin̄ ntiñ mbi ñamngimar mach ya osa anchi sikamngimar handiv kamngimar.

<sup>31</sup> Az osa anchi hamb mbahon oruh airuh ramngiz, Jisasiv mbikir sezirmen nzihanave unsa han namngimir. Aviz Jisasiv ndin kamar. Aronam osa anchi han erere isupir wiram mah han we wir ñim amar.

<sup>32</sup> Ave mbi ñaiahe uting han ñe mbon ikumun isupir wiram mah handih evahomngimar.

<sup>33</sup> Evahomngizand wiram akñ anchi akñ aiampira emngand emngand hamb ndin wamngimar. Wamngiz ñondirahe anirimbiri we mboz isupir Jisasiv sezirmen omngimar handihonang ahevikiorimngimar.

<sup>34</sup> Ahevikiore ñimngizand Jisasiv ahevakare waz wiram akñ anchi akñ ohira ñimngimar. Mach, Jisasiv waz osa anchi hamb sipsip wiram anin̄nsar mbi werer hamb miñim emamp ñimngimar. Handiv re ndin akñin̄ ahaz ñaiahe ndin ya akñ ai akñ ondo ake sikamar.

<sup>35</sup> Sike hirohe rapir hamb ondo ake njkwuzand seziriv ndin pin ai kamngimar. Rapir hamb ndih njkwumbiri arimngimar. Isupir mban wiram mah arimngimar.

<sup>36</sup> Ami osa anchi han kan aiampira emngemnga mach aiampira nor ntinind ntinind ikwim nimngi kehan we unsa han unki engwe namngiz arimngimar.

<sup>37</sup> Az Jisasiv ndin kamar. Amonang ndin enkwanambar amar. Az kamngimar. Ari 200 silva han hirohe unki ore hirai ndin enkwanam are kan oh a arimngimar.

<sup>38</sup> Aviz ndin kamar. Ami enka han nzihanave hirañimngin amar. We wavar amar. Az mbi we enka han amehe ai Jisasih kamngimar. Ari enka han oman nkipam mach oma ungunj undimaj hirañirin arimngimar.

<sup>39</sup> Mach, Jisasiv mbikir sezirih kamar. Osa anchi han kamngin, tamar tamar ankwewaw kizar njwirin insi mbanan ngariwimngiz amar.

<sup>40</sup> Aviz osa anchi hamb tamar tamar ankwewawi hanaveang 100 mach hanaveang 50 ngariwimngimar.

<sup>41</sup> Mach, Jisasiv enka oman nkipam hand oma ungunj undimaj hand nimbi nan sihawarohe were Yakn Ohirah ya imbir engwe enka han napev seziriv osa anchi han enkwanamngiz are ndin engwamar. Engwe oma ungunj hanez ne osa anchi handiv ambirorimar.

<sup>42</sup> Aviz osa anchi hamb unsa han namngiz mpikarimar.

<sup>43</sup> Mbi namngiz mach raz, unsa ekeka osa anchi hamb ererimngimar han, han seziriv nimbi oman nkinjing undimaj inkimpiñin mpamngiz torimar.

<sup>44</sup> Wiram akn enkan omand namngimar han 5000.

### *Jisasiv yamb insin ndamar*

*(Matyu 14.22-33; Jon 6.16-21)*

<sup>45</sup> Ave mach, Jisasiv sezirih kamar. Ami uting han ne injore yamb ohira ondihondih nking aiampira Betsaidan evahovar amar. Nzi ni osa anchi mban kan etondiramngi amar. Az seziriv nondirahe uting han ne evahonin are ramngimar.

<sup>46</sup> Mach, Jisasiv osa anchi han kaz omngizand Yakn Ohira ahaz orin are isupir aparimansind han omar.

<sup>47</sup> Mach, nanempand zuh han uting hamb yamb ohira ondihondih uhiminun nizand Jisasiv isan mbon ikumun nimar.

<sup>48-50</sup> Ni wehirizand uvika hamb uting nsarinon ichavizunin azand seziriv ichij pirasimngimar. Mach, hirohe ui hamb nakanin azand, Jisasiv yamb insin ai ndin kivinin azand seziriv ndin wamngimar. Mbi ndin we njhamngimar. Mban iti toh are ngwan ekeh ezandiknahambimngimar. Ezandiknahambamb nimngizand Jisasiv ndin kamar. Ami ankaripir nimbar amar. Han nzon amar. Ezandiknimngimin amar.

<sup>51</sup> Hanih are uting unchan njkwuhi sezirimen nizand uvika ichimar hamb kirim okarawimar. Okarawiz seziriv han wamngiz ndin zinimb piroringaz yamah aimah nimngimar.

<sup>52</sup> Jisasiv enka atakan osa anchi engwarimbimar hand ondo han miwamngim. Nend. Njhi mbindin hamb moyakam.

### *Jisasiv wiram akn anchi akn Genesaretind han omanenta simar*

*(Matyu 14.34-36)*

<sup>53</sup> Mach, Jisasiv sezir mbikirmen yamb ohira ondihondih nking evahohe isupir Genesaretin ahevikrorimngimar. Ave uting han ninchi hirawarohe mpamngimar.

<sup>54</sup> Uting han mpe ngahankwamngiz osa anchi hamb Jisasih we kamngimar. Jisasiv ndih ai arimngimar.

<sup>55</sup> Mbi aiampira emngemnga isupir kehandih oruh airuh ramngimar. Ave kamngimar. Jisasiv ndih ai aiampira emnga handih ni arimngimar. Aviz wiram aiampirand hamb

ya han njihame osa anchi mahororinsind han ne iwinkariŋ iziŋgwiŋgw Jisasind piŋ hiraimŋgimar.

<sup>56</sup> Aviz aiampira nor, aiampira ohira, isupir nzimoh nzimoh Jisasiv omar kehan osa anchi mahororinsind han hirai aiampira uhim handih ankwewawimŋganj. Ave mahororinsind hamb Jisasih mbahon mbahon amarimŋganj. Eran ari amakir yupir hirahir osapir ņim han mpariwariwam arimŋganj. Ave wiram akŋ anchi akŋ mahororinsind hamb hanaveam re mach imbir ramŋgimar.

## 7

### *Yakŋ Ohirand enta hamb nchonjirind enta han eparij (Matyu 15.1-9)*

<sup>1-4</sup> Mach, wiram untim Judand miŋam hamb nchonjirind entanam mpehiromŋganj. Mbi nchonjirind enta han mpehiroŋin are mbindiŋ omanampira han usimah re unsa minamŋgirim. Az wiram untim Farisind hamb nchonjirind entanam ankaripir mpehiromŋganj. Mbi unki engwengwind ampiran we ekwang ai yamb imah re unsa minamŋgirim. Mbi enta emŋgemŋga nchonjiriv simŋganj hanam nchi tor sihomiŋjai yamb nand akŋ usuzind enta han mpehiromŋganj. Mach ave, wiram kira ya Mosesind injambir ahe sikahind hamb, wiram untim Farisind hamen awakŋi aiampira ohira Jerusalem erere Jisasind piŋ aimŋgimar. Mbi ai wamŋgiz Jisasind sezir hamb mbindiŋ omanampira ŋoz usi minamŋgim, kirim mbi Yakŋ Ohirand ampin insiŋ enta kivahinsind ņi namŋgimar.

<sup>5</sup> Aviz mbi Jisasih amarimŋgimar. Utindiv amakir sezariv nchonjirind enta han mpehiromah ramŋgi arimŋgimar. Mbi mbindiŋ omanampira ŋoz usi minamŋgim ave mbi Yakŋ Ohirand ampin insiŋ enta kivahinsind ņi namŋgij arimŋgimar.

<sup>6</sup> Az Jisasiv ndiŋ kamar. Andiŋ wiram kira yosand amar. Ami ya imbir akŋ kamŋgirinang, kirim ami ya kehan mimpehiromŋgirim amar. Aisaiah, wiram Yakŋ Ohirand ya injambir ahe kahind hamb, mbi andiŋndiv miŋun kamar amar. Yakŋ Ohirav Aisaiah kaz ya mbikir han njihame hanave mpamar. Osa anchi kehamb ihind ensa han mbindiŋ karupiriŋon mamah ŋambiahamŋgij arar mpamar amar. Kirim mbi mbindiŋ mpi han yandiv meŋgwamŋgirim arar mpamar amar.

<sup>7</sup> Mbi wiramind entanam sikamŋgij arar mpamar amar. Ave mban Yakŋ Ohirand enta arar kamŋgij arar mpamar amar. Ave mbi handiv ihind ensa han mamah oreŋgenŋ yan ŋambiahamŋgij arar mpamar amar.

<sup>8</sup> Ami Yakŋ Ohirand enta han erere wiramind entanam ankaripir mpehiromŋgirin amar.

<sup>9</sup> Mach, Jisasiv mbahon kamar. Amandiŋ entanam mpehiroŋin are, ami handiv Yakŋ Ohirand enta han ontamŋgirin amar.

<sup>10</sup> Mach, Mosesiv kamar amar. Ami yaŋar onarind kwŋiŋ ņi mbindiŋ njihŋam ŋamb arar kamar amar. Mach, Mosesiv mbahon kamar amar. Wiramb miŋir wanirih ya kivah kandari hamb, mbi maz arar kamar amar.

<sup>11</sup> Kirim nend amar. Ami Yakŋ Ohirand ya han njihamimah re mbanave kamŋgirin amar. Wiramb miŋir wanirih kaŋinj, nzi hanihan ihind han ne andiŋ imbir hirawimiŋang, kirim nend arar kaŋinj arar kamŋgirin amar. Nzi hanihan ihind han ne Yakŋ Ohira ndih engwin arar kaŋinj arar kamŋgirin amar.

<sup>12</sup> Wiram mbanamb hanaviz ami ndin kamŋgirin amar. Ami hanihan amakir han ne yaŋar onar hirawimin arar kamŋgirin amar.

<sup>13</sup> Mach, enta ami simŋgirin hamb raz, ami Yakŋ Ohirand ya han ŋambiŋgwimŋgiz, Yakŋ Ohirand ya hamb ankaripir mah amar. Ami enta akŋ pir akŋ han si wiram emŋgemŋga han hanavav sikamŋgirin amar.

<sup>14</sup> Mach, Jisasiv ekwang wiram akɔ anchi akɔ han orengiz aimngimar. Aimngiz kamar. Ami miɔam ihind ya njihame omanenta wavar amar.

<sup>15-16</sup> Hanihan han wiramb ɔe namngij han, wiramb han ɔe ne wiram kivah mahevakarindiram amar. Njahi kivah kivah wiramb njihamngij han, wiramb njahi kehan njihame si wiram kivah ahevakarindari amar.

<sup>17</sup> Mach, Jisasiv wiram akɔ anchi akɔ han erere oramiɔ we ahevohe ñizand seziriv ndin ya ahimbind ondo handiv amarimngimar.

<sup>18-19</sup> Az ndiɔih kamar. Andiɔez njahi mah oh a amar. Ami miwamngirim toh amar. Mirunsa injambiriɔ ñiz wiramb ɔe namngij han, wiramb han ɔe ne wiram kivah mahevakarindiram amar. Mirunsa kehamb mpi unchan we akand empaɔam we akoramɔ oɔ amar. Ave unsa nanind kehamb wiram kivah misirim amar. (Jisasind ya ondo han mbanimb: Yakɔ Ohirav waz mirunsa endiraparam nanind han mbikir ampɔn insi han imbirvamun ñij.)

<sup>20</sup> Ave Jisasiv mbahon kamar. Njahi kivah kivah wiramb njihamngij han, wiramb njahi kehan njihame si wiram kivah ahevakarindari amar.

<sup>21-23</sup> Njahi kivah kivah, osamen anchimen ndand, akim ɔaɔ, wiram mamta oror, ntichij, enta kivah kivah, wiram yosa kahind, yahiriz asambar ndand, ambarawirwir, ya mapɔn kah, Yakɔ Ohira yarahe kah, nzonam arar kah, wiram njahi mah Yakɔ Ohirandiv minjihamirim, han enta kivah kivah wiramb njihamngij kehamb wiram kivah sij amar.

*Anchi Fonisiand hamb njahi ankaripir Jisasindiv ɔe njihamimar  
(Matyu 15.21-28)*

<sup>24</sup> Mach, Jisasiv ɔaiahe isupir mban erere isupir aiampira Tairind handih omar. We oram ahevohe ñi ndiɔ erokare kamar. Wiram emngavaɔ kamngimɔn amar. Jisasiv mbah ñiñmbiri arar kamngimɔn amar. Kirim nend. Osa anchi hamb Jisasiv oramiɔ ñimar han, han wamngimar.

<sup>25-26</sup> Mach, anchi emnga nanch mbikir han iti kivahinsind hamb Jisasiv ñimar han njihamimar. Anchi kehan untim Judand mah. Ndin untim Fonisiand isupir Siriand. Az mach, pams haɔon mbi Jisasind piɔ ai andamesa mpirorizɔngwimar. Ave mbi Jisasih amarimar. Iti kivah hamb ihind nanchiɔ ɔgiɔe awarohe ñiñmbiri amar. Ami iti kivah han kiangwin ihind nanch han erere etoz amar.

<sup>27</sup> Aviz Jisasiv ndin kamar. Ari nornanchind unsa han ɔe uvi nor han menkwanarim amar. Ari nornanch ɔoz unsa han enkwanarariɔ amar.

<sup>28</sup> Aviz mbi Jisasih mbiɔ ke kamar. Wiram Ohira, han miɔun amar. Kirim uvi nor hambez antim kwiɔ ñi unsa ekeka nornanchiv hirizɔngamngij han namngijaɔ amar.

<sup>29</sup> Az Jisasiv kamar. Ami ya han imbirun kan amar. Handiv iti kivah hamb nancharih ndih ereri amar. Ami ekwang ov amar.

<sup>30</sup> Hanave kaz anchi mbanamb mbikir oramiɔ ekwang we waz iti kivah hamb etoz, nanchiriv antimiɔ ɔgañimar.

*Jisasiv wiram njemɔn kivahinsind han omanenta simar*

<sup>31</sup> Mach, Jisasiv isupir aiampira Tairind erere ekwang we aiampira Saidon ahevakarimar. Ahevakare avihohe isupir ohira Dekapolis uhiɔiɔun akoke yamb ohira ondihondih Galilind ahevakarimar.

<sup>32</sup> Ahevakare handih ñizand wiram emngemnga hamb wiram njemɔn kivahinsind han ɔe ndin hiraimngimar. Mbi ya hireɔnd kanj. Mach, mbi wiram kehan hirai Jisasih ndin omanaka insiɔ ɔgamamindiv mbahon mbahon amarimngimar.

<sup>33</sup> Aviz Jisasiv wiram mban ɔe osa anchi han erere hirohe, mbon ikumun ñimngimar. Ñimngiz Jisasiv omanamp mbikir han njemɔn ɔking ɔking sihoɔamar. Sihone omanamp mbikir han mpiñ atazivi wiram mband zihina han mpariwamar.

<sup>34</sup> Mach, Jisasiv ñañ sihawarohe wir ankaripir savizingwi ndin kamar. Efata amar. (Jisasind ya mbanand ondo han mbanimb: njemin uyaki amar.)

<sup>35</sup> Hanave kaz njemin mbikir hamb uyakaz zihina mbikir hamb imbir raz, ya omanenta kamar.

<sup>36</sup> Aviz Jisasiv osa anchi han erokare kamar. Wiram emngemnga kamngimin amar. Az nend. Jisasiv ndin erokarizang, osa anchi hamb ya ankaripir kampihe Jisasiv utuhutuh simar handiv kamngimar.

<sup>37</sup> Ave ndin zinjimb ankaripir piroringaz kamngimar. Aia arimngimar. Jisasiv utuhutuh omanenta raj arimngimar. Njemin kivahinsind han, Jisasiv ndin omanenta siz mbi njihamngij arimngimar. Ave karupir mahinsind han, Jisasiv ndinez omanenta siz mbi kamngij arimngimar.

## 8

### *Jisasiv 4,000 wiram akñ anchi akñ han unsa enkwamar (Matyu 15.32-39)*

<sup>1</sup> Mach hanonang, wiram akñ anchi akñ hamb ekwang ai ankwewawi ñihirimngimar. Mbi unsa mah apar. Handiv Jisasiv mbikir sezir han orengiz aimngimar. Aimngiz ndin kamar.

<sup>2</sup> Wiram akñ anchi akñ mbanamb yanimen rapir undimapam ñimngindingi amar. Ave irih mbi unsa mah apar ñihirimngi amar. Handiv nzi ndin wan yan akñin ahi amar.

<sup>3</sup> Nzi ndin kan, mbindin oramin we unsandiv mamngiz, mbindin ampin hamb eraher awiz empasamin ankiramandiramngi amar. Hanaveang ui tanpir ohira aimngindingi amar.

<sup>4</sup> Mach, seziriv mbin ndin kamngimar. Isupir mbanan wiram mah arimngimar. Ari enka han nzihandih ne wiram akñ anchi akñ mban enkwamarin ndin mpikarindari arimngimar.

<sup>5</sup> Aviz Jisasiv ndin amarimar. Ami enka han nzihanave hirañimngin amar. Az ndin kamngimar. Ahins arimngimar.

<sup>6</sup> Mach, Jisasiv kaz wiram akñ anchi akñ hamb isan ngariwimngimar. Aviz Jisasiv enka ahins mban ne ñañ sihawarohe were Yakñ Ohirah ya imbir engwamar. Ave mbi enka mban nanpepev mbikir sezir hamb wiram akñ anchi akñ mban enkwamngiz are ndin engwamar. Engwaz mbi wiram akñ anchi akñ han kirim enkwamngimar.

<sup>7</sup> Mach, mbi oma ungunj hanaveang hirañimngimar. Aviz Jisasiv han ne Yakñ Ohirah ya imbir engwe sezir engwaz hanez enkwamngimar.

<sup>8</sup> Aviz mbi namngiz ndin mpikarimar. Ave unsa ekeka han ankwewawi inkimpiñ ohira ahins han mpamngiz torimar.

<sup>9</sup> Wiram akñ anchi akñ hamb ñimngimar han 4,000 emamp. Ave Jisasiv ndin kaz kirim omngimar.

<sup>10</sup> Mach, Jisasiv sezirmen uting unchan nkwetohe isupir Dalmanutand handih omngimar.

### *Wiram untim Farisind hamb Jisasih ntin ankaripir ñaz are kamngimar (Matyu 16.1-4)*

<sup>11</sup> Mach, wiram untim Farisind hamb ai Jisasmen ya amihirimngimar. Jisasiv ntin ankaripir pamuh han mbiramiz are, Yakñ Ohirav ndin kaz mbi ntin Yakñ Ohirand naj oh o nend arimngimar. Han wanin are ndin ondo mpamngimar.

<sup>12</sup> Aviz Jisasiv wir ankaripir ohira ñaz mbikir mpi hamb kir ohira ñimar. Ave mbi kamar. Utindiv osa anchi irih ñimngimbiri mbanamb ntin ankaripir han wanin are kamngi amar. Andin minun kin amar. Ntin ankaripir hamb mbiramiz Yakñ Ohirav yan kaz nzi Yakñ Ohirand ntin najin han, han ami miwandiramngim amar. Nendon amar.

<sup>13</sup> Mach ave, mbi ndin erere uting unchan nkwuhi yamb ohira ondihondih nkingin evahetomar.

*Ya ahimb yis wiram untim Farisind Herotind  
(Matyu 16.5-16)*

<sup>14</sup> Mach, seziriv njihi eraher awi enka han mihiraimngim. Mbindin enka pamuh hamb uting handih nimar.

<sup>15</sup> Aviz Jisasiv ndin ya ankaripir kamar. Njihambar amar. Ami yis wiram untim Farisind Herotind han omanenton wehirivar amar. | f\* \*

<sup>16</sup> Az seziriv mbon mbon kamngimar. Ari enka mah raz handiv mbi ya mban ki toh arimngimar.

<sup>17</sup> Mach, Jisasiv mbindin ya kamngimar mban ndih wamar. Ave ndin mbanave kamar. Utindiv ya mbanan amon amon kamngin, ari enka mah arar kamngin amar. Ami omanenta miwamngirim oh a amar. Andin njihi mah oh a amar. Az handiv amandin njihi hamb moyakam oh a amar.

<sup>18</sup> Andin ampin mbah, kirim ami hanihan han miwamngirim oh a amar. Andin njemin mbah, kirim ami ya han minjhamngirim oh a amar. Ami njihi eraher awimngin toh amar.

<sup>19</sup> Enjambir han nzi enka oman nkipam han najepev 5,000 wiram han enkwane amar. Az ami unsa ekeka han inkimpiñ han nzihanave mpamngan amar. Az kamngimar. Oman nkinjing undimaj arimngimar.

<sup>20</sup> Mach, ekwang han nzi enka ahins han najepev 4,000 wiram akn anchi akn han enkwane amar. Az ami unsa ekeka han inkimpiñ ohira han nzihanave mpamngan amar. Az ndin kamngimar. Ahins arimngimar.

<sup>21</sup> Az Jisasiv ndin kamar. Ami utindiv omanenta wamah ramngirin amar.

## **Jisasiv mbikir sezir han ya sikamar**

*(8.22–10.52)*

*Jisasiv ampin kivahinsind han omanenta simar*

<sup>22</sup> Mach, Jisasiv sezirmen we aiampira Betsaidan ahevikiorimngimar. Aviz osa anchi hamb wiram emnga ampin kivahinsind han Jisasind pin hiraimngimar. Ave mbi Jisasiv mbikir omanaka ndin insin ngamiz are mbahon mbahon amarimngimar.

<sup>23</sup> Mach, Jisasiv wiram ampin kivahinsind mban oman unkiri aiampira injambirin hirahevomar. Hirahevohe ampin mbikir han mpiñ atazivimar. Ave mbi mbikir omanaka han ndin insin ngamimar. Ave ndin mbanave amarimar. Ami hanihan han wan oh o nend amar.

<sup>24</sup> Ave wiram mbanamb ñan were kamar. Nzi wiram hanaveang win amar. Kirim wanand mbi ai emamp ndand omngi aimngi amar.

<sup>25</sup> Az Jisasiv mbikir omanaka han ekwang mbikir ampinin ngamimar. Aviz wiram mbanamb ankaripiron weriz, mbikir ampin hamb imbirun nimar. Ave mbi hanihan akn han ovisherizand, mbikir werer hamb imbirun ahevakarimar.

<sup>26</sup> Mach, Jisasiv ndin kamar. Ami amakir oramin ov amar. Ami aiampira uhimin omin amar.

*Jisasih, ndin uniman*

*(Matyu 16.13-20; Luk 9.18-21)*

<sup>27</sup> Mach ave, Jisasiv sezirmen nondirahe aiampira akn Sisaria Filipai ikwim handih omngimar. Ave mbi empasamin mbikir sezirih mbanave amarimar. Osa anchi hamb yanin uniman oh arar kamngij amar.

<sup>28</sup> Az mbi ndin mbanave kamngimar. Hanaveang nan Jonih wiram osa anchi han yambin najiknjiringwngw nambahahind hamb arimngij arimngimar. Hanaveang nan Elaija arimngij arimngimar. Mach, hanaveang nan wiram Yakn Ohirand ya injambir ahe kahind hamb arimngij arimngimar.

\* 8:15 \* (8.15) (Njihambar, anchi kira hamb yis han ne enka unchan ngamngij, enka kehamb ohiraraj.)

<sup>29</sup> Aviz Jisasiv sezirih amarimar. Amon han yanih uñiman arar kamngin amar. Az Pitav ndin mbanave kamar. Nan wiram Yakñ Ohirav mbikir osa anchi ekwang ñimbimbindiv uyin gwamimar hamb amar.

<sup>30</sup> Aviz Jisasiv ndin erokare kamar. Ami wiram emngemnga han yandiv kamngimin amar.

*Jisasiv mbon me ekwang ñaiahandari handiv kamar  
(Matyu 16.21-28; Luk 9.22-27)*

<sup>31</sup> Mach, Jisasiv ondo ake sezirih ya han mbanave sikamar. Yakñ Ohirand njih hamb mbanave ñimar amar. Wiramind Nor hamb pivir ohira ñandari amar. Az wiram untim ohira kira Judand, wiram aninsar kira hanihan Yakñ Ohirandiv ahaz ore ngamamind, mach wiram kira ya Mosesind injambir ahe sikahind hamb, mbi Wiramind Nor mapin ame ndin mamta orindiramngi amar. Aviz watim yun k undimapam han ekwang ñaiahandari amar.

<sup>32</sup> Mbi ndin ya han omanenton kampihe kaz, Pitav Jisasih ya ankaripir ke kamar. Ami ya han kamn amar.

<sup>33</sup> Aviz Jisasiv enaringe sezir mbikir han wehire, Pitah ya ankaripir ke kamar. Ami Satan haremamp amar. Ami ihind mapin ov amar. Ami Yakñ Ohirand njih mipheirorim amar. Nend amar. Ami wiramind njihinam mpehirorin amar.

<sup>34</sup> Ave Jisasiv osa anchi han sezir mbikir hanez orengiz, ai awakñimngimar. Aimngiz Jisasiv ndin mbanave kamar. Wiram emngav yan mpehironin are, mbi mbikir njih ñambingwi ai onkirand mbikir han orambi, yan mpehiroz amar.

<sup>35</sup> Wiram emngav kipir mbikir han ankaripir ñambiñiz, kipir mbikir hamb kwevirindari amar. Kirim wiram emngav yandiv mach Yakñ Ohirand ya imbirindiv mbikir kipir han ereriz, mbikir kipir hamb imbirun ñindari amar.

<sup>36</sup> Wiram emngav hanihan akñ isupir mbanand han ñaz mach raz, kirim kipir mbikir hamb kweviriz, hanihan akñ mbanamb ndin nzihanave hirawimr amar.

<sup>37</sup> Handiv wiramb utimanin unki engwe kipir mbikir han ekwang ñandari amar.

<sup>38</sup> Osa anchi irih ñimngimbiri mbanamb, mbi Yakñ Ohirah mapin engwe enta kivah kivah endiraparam simngij amar. Osa anchi emnga mbindin hamb yandiv mach ihind yandiv ampi ake ñimir amar. Mach, njiminj han Wiramind Nor hamb mpamind ohira wanirind ñimbiri hamb mbi Yakñ Ohirand mapin akñ hamen aindiramngi amar. Aimngiz, osa anchi Wiramind Norindiv ampi akah kehend, mbez ndin ampi akandari amar.

## 9

<sup>1</sup> Mach, Jisasiv ndin mbanave kamar. Nzi andin minun kin amar. Yakñ Ohirav osa anchi hanaveang ñimbiz mbikir kwij ñindiramngi kehamb ahevakarindari amar. Han ankaripir ohiransind ahevakarindari amar. Aviz hanaveang mban ñimngimbiri hamb mbi mamah re, mbi han wandiramngi amar.

*Jisasind yupir hamb enta emngon ahevakarimar  
(Matyu 17.1-13; Luk 9.28-36)*

<sup>2</sup> Yun k ansi hamb we mach raz, mach Jisasiv Pita Jems Jonih ñimbi aparima mbihawar min handih mpahirawaromar. Ave undimajivam mbon ikumun ñihirimngimar. Ave sezir undimapam hamb werer ñimngizand, Jisasind yupir hamb enta emngon ahevakarimar.

<sup>3</sup> Yupir hirahir mbikir hamb raka okam emamp ahevakarimar. Ave okam min ñimar. Wiram emnga isupir mbanand yupir hirahir usuzind hamb imin han omanenta usiz imin okam mbanamb Jisasind imin okam emamp mahevakarimr.

<sup>4</sup> Aviz Elajav Mosesmen ahevikrorimngiz, Jisasind sezir hamb wamngiz mbi Jisasmen ya kah ñihirimngimar.

<sup>5-6</sup> Mach, sezir undimapam han we ezandikñahambi ntahoror ñihirimngimar. Aviz Pitav ya hanave kah han miwam. Ave mbi Jisasih mbanave kamar. Anizij entand, ari mban ñirij han imbirun amar. Ari imbir oram oram undimapam asimirij amar. Emnga amakir emnga Mosesind emnga Elaijand amar.

<sup>7</sup> Mach, yambaka emnga hamb ahevakare rapir han asiramamar. Aviz ya emnga hamb yambaka mbanand uncha han mbanave kamar. Mban ihind nor, nzi ndindivon rin amar. Ami mbikir ya njhambar amar.

<sup>8</sup> Ave pams hanon Jisasind sezir hamb enaroringe ovihirimngimar. Kirim mbi wiram emngang miwamngim. Jisasiv mbon ikumun ndinmen ñimar.

<sup>9</sup> Mach, mbi aparima han erere ñketaimngimar. Az Jisasiv ndij erokare kamar. Hanihan mban wamngin han wiram emnga kamngimin wem Wiramind Nor hamb me ekwang minsan ñaiahandari amar.

<sup>10</sup> Az mbi ya han mbindij mpi unchan hirañimngimar. Ave mbon mbon mbanave kamngimar. Ya mban mbi me minsan ekwang ñaiahandari han, han utiman arimngimar.

<sup>11</sup> Ave Jisasih mbanave kamngimar. Utindiv wiram kira ya Mosesind injambir ahe sikahind hamb mbanave kamnganj amar. Elaijav mboz aiz arar kamnganj arimngimar.

<sup>12</sup> Az Jisasiv mbindij ya enore mbanave kamar. Ya mban minun amar. Elaijav mboz ai hanihan ekwang minam omanenta sindari amar. Kirim yaya Yakñ Ohirand anizij entan ñi han nzihanave ñiz, Wiramind Nor hamb pirivir ohira kivah ñaz, wiram hamb ndin ñambingwi kivah sindiramngi amar.

<sup>13</sup> Kirim nzi andij kin amar. Elaijav ndih air amar. Ave wiram hamb mbindij njihinon mpehiromngij amar. Mach, mbi ndinih enta endiraparam simngir han haremamp ya Yakñ Ohirand anizij enta unchan ñiz ndindiv mpamar amar.

*Jisasiv sai nor iti kivahinsind kehan iti kivah han kiangwimar  
(Matyu 17.14-21; Luk 9.37-43)*

<sup>14</sup> Mach, Jisasiv sezir undimapamen ai sezir emngemngan ahevikirorimngimar. Ahevikirore wamngiz wiram akñ anchi akñ hamb ndij ondhore ñihirimngimar. Ave wiram kira ya Mosesind injambir ahe sikahind hamb ndinmen amihirimngimar.

<sup>15</sup> Wiram akñ anchi akñ mbanamb wamngiz Jisasiv aimar. Mbi aiz pams hanon ntamngimar. Mbi nte ndin pin aniranjir we, ndin rapirint engwamngimar.

<sup>16</sup> Aviz Jisasiv ndij mbanave amarimar. Ami utindiv ndinmen ya amihirimngin amar.

<sup>17</sup> Aviz wiram emnga hamb wiram akñ anchi akñind uhimij ñimar hamb mbi Jisasih ya mbanave kamar. Anizij entand, iti kivah hamb ihind norind karupir ankwini ndinij ñiñmbiri amar. Handiv nzi ndin nan pin hiraiin amar.

<sup>18</sup> Iti kivah mbanamb ndinih hanaveon ankaripir kivah ñaj avav ndin ñanjan isan avizijgaj amar. Avizand karempa hamb karupir mbikirij ahevakarij avav mbi mbikir ampar iviharar kaj amar. Avizand yupir mbikir hamb minamun ankaripir raj amar. Ave nzi sezar amakir amarij iti kivah mban kiangwimngizang, kirim nend amar. Ndin ankaripir mah amar.

<sup>19</sup> Jisasiv ya mban njhame, wiram akñ anchi akñ han kamar. Eee, ami wiram akñ anchi akñ hamb njihini ankaripir minjhamngim amar. Nzi andinmen yunñ war nzihanave mbahon ñindarin amar. Nzi yunñ war nzihanave amandij kir akñindarin amar. Ami nor kehan yan pin mbanan hiraiivar amar.

<sup>20</sup> Mach, mbi nor kehan ndin pin hiraimngimar. Aviz iti kivah hamb Jisasih we, pams hanon nor kehan siz itikirimun nte arazipazawimar. Ave nor mbanamb isan ankirame enarambarimar. Karempa hambez karupir mbikirij ahevakarimar.

<sup>21</sup> Aviz Jisasiv wanirih mbanave amarimar. Mbikir mahoror kivah hamb yunñ nzihanave ñi amar. Az waniriv kamar. Mbi sai ankwiron ñizand ahevakarimar amar.



<sup>22</sup> Iti kivah mbanamb hanaveon njanan piritim insin yambin avizinganj avav ndin mamta orin arar ranj amar. Ami imbir ramın amar. Ami arin aknin ni arin hirawiv amar.

<sup>23</sup> Aviz Jisasiv ndinih kamar. Utindiv mbanave kan, ami imbir ramın arar kan amar. Kirim ami njih ankaripir ne njihame hanihan upi mban minjamun imbir ramın amar.

<sup>24</sup> Az pams hanon waniriv aware kamar. Nzi njih ankaripir ne njihamin amar. Kirim njih ankaripir ihind han tim nor amar. Ami yan hirawiv amar.

<sup>25</sup> Mach, Jisasiv waz wiram akn anchi akn ohiron mbanamb anjirimbirimbir ndin pin ikwim aimngimar. Az mbi iti kivah han ya ankaripir ke kamar. Nzi nan ankaripir kin amar. Nan iti kivah karupir aminjinjind, njemin inchirimbimbind, ami nor mbanan erere etov amar. Ave ekwang ndin unchan ngwvomin amar.

<sup>26</sup> Aviz iti kivah mbanamb kwa hirizind awarimar. Mbi raz nor mbanamb nte asuasai razand ndin erere etomar. Aviz nor mbanamb me niwamar. Az osa anchi hamb we kamngimar. Mbi ndih mi arimngimar.

<sup>27</sup> Kirim Jisasiv omanaka mbikir han ne ndin nambiahaz ankwainimar.

<sup>28</sup> Mach, Jisasiv we oramin ahevohe mbikir sezirmen mbon ikumun nihirimngimar. Ave mbi ndin amarimngimar. Ari utindiv iti kivah mban kiangwi mah rarin arimngimar.

<sup>29</sup> Aviz ndin kamar. Ari Yakn Ohirah ahaz orimah re, iti kivah kehand han mikianjwindiram amar.

*Jisasiv mbon me ekwang najahandari handiv ekwang kamar  
(Matyu 17.22-23; Luk 9.43-45)*

<sup>30-31</sup> Mach ave, Jisasiv mbi sezirmen aiampira han erere isupir Galili uhiminun omngimar. Avav Jisasiv mbikir sezirih ya sikanj. Handiv mbi ndin erokare kamar. Ami wiram emngavanj kamngimin amar. Jisasiv mbah handih niimbiri arar kamngimin amar. Ave mbi ndin kamar. Wiramind Nor han wiram kirand oman insin ngamindiramanji amar. Ave ndin mamta orimngiz mandari amar. Mbi ndin mamta oringamindiramanjanj, kirim mbi watim yunjk undimapam hanj ekwang najahandari amar.

<sup>32</sup> Aviz mbi ya mbanand ondo han miwamngirim. Handiv mbi ndin amarin arar ezandikimngimar.

*Uñimb aninnsar ni  
(Matyu 18.1-5; Luk 9.46-48)*

<sup>33-34</sup> Mach ave, Jisasiv mbi sezirmen aiampira Kaperneamin omngimar. Ave seziriv mbon mbon empasamin yanam amihirimngimar. Uñiman wiram arinjind aninnsar min arimngimar. Mach, mbi Kaperneamin ahevikirore oramin ahevomngiz Jisasiv mbikir sezirih amarimar. Ami utiman yaya empasamin kamngindingin amar. Aviz mbi ya mah ninngimar.

<sup>35</sup> Mach, Jisasiv nkañi mbikir sezir oman nkinjing undimaj han oreng kamar. Wiram emngav aninnsar ninin are, mbi wiram kira emngemngand kwij niz amar. Handiv mbi wiram osa anchind ntin nanjind hamb findari amar.

<sup>36</sup> Ave Jisasiv nor emnga han ne uhiminun ngame nambiahe enkwarimbinimar. Ave ndin kamar.

<sup>37</sup> Wiram emnga hamb yan njihame nor emnga han hirawi, mbi yanez hirawindari amar. Ave wiram yan hirawindari hamb, mbi yanjam mihirawindiram amar. Yakn Ohirav yan kaz aimanjin han, wiram kehamb ndinez hirawindari amar.

*Wiram arin enta kivah simah randari kehamb ndin arinjind ahambir  
(Luk 9.49-50)*

<sup>38</sup> Mach, Jonimb Jisasih kamar. Aninzi entand, ari warinand wiram emnga hamb iti kivah akn han amakir ensan kiangworanngwir amar. Kirim ndin wiram arinjind mah amar. Handiv ari ndinih chonj ngamirin amar.

<sup>39</sup> Aviz Jisasiv ndin kamar. Ami ndin chonj ngamngimin amar. Wiram emnga ihind ensan ntin ankaripir nanjind hamb, mbi yan pams ya kivah mikandiram amar.

<sup>40</sup> Wiram arin enta kivah simah randari kehamb ndin arinjind ahambir amar.

<sup>41</sup> Nzi andin ya minun kin amar. Wiram emngav andin waz ami Kraisind untim nimgin han, mbi yandiv re njihame andin yamb nand engwandari amar. Unki osa anchi hirawaw han Yakj Ohirav ndin engwandari amar.

*Enta kivah hamb njih ankaripir njihamam han kivah sij  
(Matyu 18.6-9; Luk 17.1-2)*

<sup>42</sup> Jisasiv mbahon mbanave kamar. Sai nor emngav yandiv njih ankaripir ne njihamiz, wiram emngav raz sai nor mbanamb enta kivahin ankiramaz, han enta imbir mah amar. Wiram kira hamb nsiham ohira han ne wiram kehand njkwintir han vihe, utim yambin avizingwimngiz mbi eran yamb ne maz amar. Han imbir amar.

<sup>43-44</sup> Mach, amakir oman hamb nan enta kivah sizindiv raninj han, mach amakir oman nking han akoke avizuv amar. Ave ami oman nkipam ni kipir icha ipira nind han ndiran amar. Han imbir amar. Ave ami oman undimajinsind nin, nan Yakj Ohirav sam piritim kivah kweviri mah raj mbikir ensa Gehenna han avizuminj amar. Han imbir mah amar.

<sup>45-46</sup> Mach, amakir andam hamb nan enta kivah sizindiv raninj han, han akokav amar. Ave ami andam nkipam ni kipir icha ipira nind han ndiran amar. Han imbir amar. Ave ami andam undimajinsind nin nan Yakj Ohirav Gehenna avizuminj amar. Han imbir mah amar.

<sup>47</sup> Mach, amakir ampin hamb nan enta kivah sizindiv raninj han, mach ampin nking han nativwe avizuv amar. Ami ampin nkipam ni ami Yakj Ohirav osa anchi hanaveang njimbiz mbikir kwij nindiramngi han ahevondiran amar. Han imbirun amar. Ave ami ampin undimajinsind nin, nan Yakj Ohirav Gehenna avizuminj amar. Han imbir mah amar.

<sup>48</sup> Aiampira kehan kwimuñ hamb mbinding yupir han namngij hamb, mbi mikwevirindiramngim amar.

<sup>49</sup> Yakj Ohirav wiram akj anchi akj han piritiminj avair wandari han osa anchi hamb unsa han utiminj ondo mpariwamngij haremamp amar.

<sup>50</sup> Utim han imbirpamun amar. Kirim utim unim hamb kweviriz, ami nzihanave ramngin utim hamb ekwang unim ndari amar. Hanaveonang utim unim emampang amon amon mpi uchiñ nimbar amar.

## 10

*Jisasiv enta osav anchi erererind mach anchiv osa erererind handiv kamar  
(Matyu 19.1-12; Luk 16.18)*

<sup>1</sup> Mach, Jisasiv isupir Judiand handih onin are, mbi aiampira han ererimar. Erere we yamb nking Jordand handih evahomar. Evahohe we yamb nking Jordand handih ekwang evahal isupir Judiand handih aimar. Aviz wiram akj anchi akj ohiron hamb ndin pin ai ekwang ankwewawimngimar. Az Jisasiv mbikir enta mpehiro ndin ya sikanj.

<sup>2</sup> Mach, wiram untim Farisind hamb Jisasind pin aimngimar. Ave mbi Jisasih ondo mpendin kamngimar. Arinjind enta han, osa hamb mbikir anchi han imbir kiangwimir han, han chonj oh o nend arimngimar.

<sup>3</sup> Aviz Jisasiv ndin mbanave kamar. Mosesiv andin utiman enta mpehirondiv engwamar amar.

<sup>4</sup> Az mbi ndin kamngimar. Mosesiv kamar arimngimar. Osa hamb mbikir anchi ererinin are mbi imbir aninjiz enta mpe ndin engwe kiangwiz ondari arar kamar arimngimar.

<sup>5</sup> Kirim Jisasiv ndin mbanave kamar. Andin wiram kira entachand raz, Mosesiv enta mbanan aninjiz entan mpe andin engwamar amar.

<sup>6</sup> Eñambir miñun han, Yakŋ Ohirav kirichin orichin han achake kaz, osa anchi hamb ahevikiromŋimar amar.

<sup>7</sup> Handiv wiram hamb mbikir miñir wanir han erere anchimen awakŋi ñimŋij amar.

<sup>8</sup> Ave undimaj hamb yupir pamind ahevakarimŋi amar. Yakŋ Ohirav hanave kaz, undimaj hamb yupir undimaj miñimŋim nend, yupir pamind emamp ahevakarimŋi amar.

<sup>9</sup> Aviz, hanihan Yakŋ Ohirav awakŋorimar han wiram hamb kiangwimŋiminj amar.

<sup>10</sup> Mapiñ, Jisasiv sezirmen oramiñ omŋiz, seziriv ya osav anchi erererind mbandiv ekwang amarimŋimar.

<sup>11</sup> Az ndiñ mbanave kamar. Wiram emŋgav anchir erere anchi emŋga han ñandari han, wiram kehamb anchirih enta kivah si anchi emŋga hamen enta kivah siz ndandiramŋi amar.

<sup>12</sup> Mach, anchi emŋga hamb mamir erere osa emŋga han ñandari han, anchi kehamb mamirih enta kivah si osa emŋga hamen enta kivah siz ndandiramŋi amar.

*Nornanch han omanenta siz are Jisasiv Yakŋ Ohira ya imbirin amarimar  
(Matyu 19.13-15; Luk 18.15-17)*

<sup>13</sup> Osa anchi hamb Jisasiv mbikir omanaka mbindiñ nornanch han insiñ ŋgamiz are ndiñ Jisasind piñ hiraimŋimar. Kirim seziriv han we osa anchi kehan ya ankaripir ke kamŋimar. Ami han simŋimin arimŋimar.

<sup>14</sup> Jisasiv han waz, mbikir mpi hamb kivah ramar. Aviz ndiñ mbanave kamar. Eramŋin nornanch hamb yan piñ aimŋiz amar. Ami ndiñ erokarimŋimin amar. Wiram hamb nornanch haremamp ñi, mbi Yakŋ Ohirand kwij ñindari amar.

<sup>15</sup> Nzi andiñ miñun kin amar. Yakŋ Ohirand kwi han wiram emŋgav ñamah randari han, nornanchiv ñamŋij hanaveang, mbi mahevondiram amar.

<sup>16</sup> Ave Jisasiv nornanch han omanakan ñimbi, omanaka mbikir han zi umpir insiñ ŋgami ŋgami rar omar. Ave ndiñ omanenta siz are Yakŋ Ohira ya imbirin amarimar.

*Wiram hanihan akŋnsind hamb Jisasmen ya kamŋimar  
(Matyu 19.16-30; Luk 18.18-30)*

<sup>17</sup> Mach ave, Jisasiv ñaiahe empasamiñ ozand, wiram emŋga hamb aniranir ndin piñ ai andamesa mpirorizingwimar. Ave mbi ndin mbanave amarimar. Aniziz entand, nan wiram imbir amar. Nzi nzihanave re kipir icha ipira ñiñind han ñañ ñindarin amar.

<sup>18</sup> Aviz Jisasiv ndin mbanave kamar. Utindiv yan imbir arar kan amar. Yakŋ Ohira pamuh, mbonam imbir amar.

<sup>19</sup> Ami Yakŋ Ohirand enta akŋ aniziz enta unchan ñi han ndih warin amar. Ami osa anchi emŋgemŋga han mamah mamta orimŋimin amar. Ami amakir anchi han erere anchi emŋga hamen enta kivah siz ndamŋimin amar. Anchi hambez mbikir mamir han erere osa emŋga hamen enta kivah siz ndamŋiminj amar. Ami akim ñamŋimin amar. Ami osa anchi emŋgemŋga han yosa si ya oramiñ hiromŋimin amar. Ami wiram emŋgemŋgand hanihan han mamah eriwazi ñinchimŋimin amar. Mach, ami yanar onarind kwij ñihiri mbindiñ yanam njihambar amar.

<sup>20</sup> Mach, wiram mbanamb Jisasih mbanave kamar. Aniziz entand amar. Nzi sai noron ñi enta akŋ mbanan mpehiromanjin han hirandem hirai irih hanaveonang ñijin amar.

<sup>21</sup> Jisasiv ndin werer nde mbikir njih mpi han wiram kehandidv ankaripir ohira kivah engwamar. Ave ndin mbanave kamar. Amakir kipir han, ami ankaripir pamuh nendon amar. Ami amakir hanihan han hiron urki engwamŋiz, nsiham nor han ñe wiram kira hanihan mah han engwarimbiv amar. Ami hanave ran, amakir hanihan imbir hamb Yakŋ Ohirand Aiampira Ohira Ñañ handih ñindari amar. Ave yan mpehiraiv amar.

<sup>22</sup> Wiram mbanan mbikir hanihan akŋ han imbir mah. Ave ya han njhamiz mbikir emansiñ hamb kivah ramar. Handiv mbi Jisasih ereriz mbikir mpi hamb kir ohira ñimar.

<sup>23</sup> Mach, Jisasiv werer nde mbikir sezirih kamar. Wiram kira hanihan aknnsind hamb Yakj Ohirand kwij ñijn are pirasindiramngi amar.

<sup>24</sup> Aviz seziriv ya mbikir mban njihame ntamngimar. Kirim Jisasiv ndij mbahon kamar. Nor kira amar. Wiram hamb Yakj Ohirand kwij ñijn are pirasindiramngi amar.

<sup>25</sup> Kamel hamb ewañihe imin sazind min han ngwevonjin are mbi pirasaz mah amar. Kirim nsiham nor wiram hamb Yakj Ohirand kwij ñijn are pirasindari amar.

<sup>26</sup> Mach, seziriv nte arazipazawi mbon mbon ya ke mbanave kamngimar. Yakj Ohirav uñiman ekwang ñandari arimngimar.

<sup>27</sup> Mach, Jisasiv ndijon wehirehir kamar. Wiram hamb mbon han nend amar. Kirim Yakj Ohirav mbi imbir amar. Mbi hanihan utuhutuh han imbir sindari amar.

<sup>28</sup> Aviz Pitav ya emnga han Jisasih mbanave kamar. Wav amar. Ari arinjind hanihan utuhutuh han erere nan mpehirairij amar.

<sup>29</sup> Az Jisasiv kamar. Nzi andij mijun kin amar. Wiram hamb yandiv mach Yakj Ohirand ya imbirindivez njihame oram yanir ranir mijir wanir nornanch war ererindari hamb,

<sup>30</sup> mbi hanihan mijam ekwang ñandari amar. Wiram mbanamb isupir mbananj ñi han, Yakj Ohirav ndin hanihan han 100 emamp engwandari amar. Ave mbi oram akj azijunj namunj yanunj nornanch war akj ñandari amar. Hanez wiram emngemnga hamb ndin enta kivah sindiramngi amar. Kirim njiminj mbi kipir icha ipira ñiñind han ñanj ñindari amar.

<sup>31</sup> Wiram akj irih mboz injore anijnsar ñimngi hamb, mbi mapij ansam ñindiramngi amar. Wiram akj irih mapij ansam ñimngi hamb, mbi mboz injore anijnsar ñindiramngi amar.

*Jisasiv ekwang kamar nzi me, ekwang ñaiahandarin arar  
(Matyu 20.17-19; Luk 18.31-34)*

<sup>32</sup> Mach ave, Jisasiv sezirmen empasam aiampira ohira Jerusalemind handih awaromngimar. Jisasiv mboz injore omar. Az seziriv njihakiramamngimar. Osa anchi hamb ndij mpehiro, mbi ezandikñahambimngimar. Mach, Jisasiv sezir oman ñkijñing undimaj han ekwang ñimbi ondo ake hanihan hamb ndinij ahevakarindari handiv ndij ya sikamar.

<sup>33</sup> Njihambar amar. Ari irih Jerusalemij awarombirarij amar. Awarorij mbi Wiramind Nor han ñe ndin wiram emngemngand oman insij ñgamindiramngi amar. Mbi ndin wiram kira anijnsar hanihan Yakj Ohirandiv ahaz ore ñgamamind oman hand insij mach wiram kira ya Mosesind injambir ahe sikahind oman hanez insij ñgamindiramngi amar. Ave ndindiv ya oramij we ya vihe kandiramngi amar. Mbi mandari arar kandiramngi amar. Ave mbi ndin wiram kira yimbim emngand oman insij ñgamindiramngi amar.

<sup>34</sup> Ave wiram kira kehamb ndin yarahoparahe, kiripa ankaripirij ndin ore kire mpiñ atazipazivi, mach ndin mamta oringamindiramngi amar. Kirim watim ñirind arar mbi ekwang ñaiahandari amar.

*Jemsiv Jonmen anijnsar ahevikiorijin are njihamngimar  
(Matyu 20.20-28)*

<sup>35</sup> Mach, Jemsih Jonih Sebedind nor kira undimaj hamb Jisasind pij ai mbanave kamngimar. Anijzij entand, ari undimaj nan amarijin are rarij arimngimar. Arinjind hanihan pamuhindiv njih ankaripir kivah njihamirij ami arinjindiv kirimun randiran arimngimar.

<sup>36</sup> Az Jisasiv ndij mbanave amarimar. Undimaj, andijndiv utizijin are njihamngin amar.

<sup>37</sup> Undimaj hamb ndin kamngimar. Wiram akn anchi akn hamb minjam amakir kwij nindiramngi han, ari undimaj njihamin han, wiram emnga hamb eran amakir oman minjindij nkañiz emngav amakir oman ovejindij nkañiz arimngimar.

<sup>38</sup> Kirim Jisasiv undimaj han mbanave kamar. Ami undimaj yan hanihan kehandiv amarimngin han omanenta miwamngirim amar. Sihominjai yamb nand nzi nanin are randarin kehan, ami hanonang imbir nandiramngin oh a amar. Pirivir nzi nanin are randarin kehan, ami hanaveang imbir nandiramngin oh a amar.

<sup>39</sup> Aviz mbi ndin kamngimar. Ari undimaj imbir arimngimar. Aviz Jisasiv ndin kamar. Minjun amar. Sihominjai yamb nand nzi nandarin mbanan, amez hanonang nandiramngin amar. Pirivir nzi nandarin han, amez nandiramnginang amar.

<sup>40</sup> Kirim uñimb ihind oman minjindij nkañizand, ovejindij nkañindari han, han ihind hanihan mah amar. Nzi hanihan kehan muyingwamim nend amar. Sam nkañind kehan, han mbindij wiram kira Yakn Ohirav ndinndiv uyingwamimar hamb amar.

<sup>41</sup> Jisasind sezir oman nkinjing hamb ya Jemsiv Jonmen amarimngimar kehan njihame undimaj han ankwisimngimar.

<sup>42</sup> Az Jisasiv ndin orengiz ndin pin ai ankwewawimngiz ndin kamar. Ami wamngirinanng amar. Wiram aninnsar wiram akn anchi akn yimbim emngemngand hamb, mbi mbindij untim han ankaripir kivah wehirimngij amar. Az mbindij wiram kira ohira ohira hamb handiv ankaripir ñimngiz osa anchi hamb mbindij yanjam mpehiromngij amar.

<sup>43</sup> Kirim enta mbanamb andinmen ñiminj nend amar. Wiram hamb andinndiv ensa ohiransind ñiz are, mbi kirimoz andin kwij ñi wiram amandij ntin nanind emampoz ñiz amar.

<sup>44</sup> Ave wiram hamb andinndiv aninnsar ñiz are, mbi eran wiram emngemnga minjam ndinndiv ntin mamah nan ñiz amar.

<sup>45</sup> Handiv Wiramind Nor hambez mbi wiram emngav ndin ntin hirawi namngiz are maim, nend amar. Mbi ndinndiv hirawi mbon mbikir kipir engwe osa anchi han unki engwe ekwang nimbijn are air amar.

*Jisasiv wiram ampin kivahinsind han omanenta simar  
(Matyu 20.29-34; Luk 18.35-43)*

<sup>46</sup> Mach ave, Jisasiv sezirmen aiampira Jerikon ahevikiorimngimar. Ave Jisasiv Jeriko erere etomar. Etozand mbikir sezirivon wiram akn anchi akn hanave ndinmen omngimar. Bartimeusih, Timeusind nor, ndinih ampin kivah empasam ampanon nkañimar. Ave ñiñ nsiham norindiv, hanihan utuhutuhindiv osa anchi han orenganj.

<sup>47</sup> Mbi njihamiz Jisas Nasaretind hamb ai arimngiz, mbanave ondo ake ankaripiron orengimar. Jisas, nan Devitind nor, yan aknin ñimb amar.

<sup>48</sup> Aviz wiram akn anchi akn hamb ndin ya ankaripir ke kamngimar. Ami karupir se yamah nkañimb arimngimar. Kirim mbi mbahon ankaripir ware oreng kamar. Devitind nor, yan aknin ñimb amar.

<sup>49</sup> Mach, Jisasiv ankwani kamar. Ndin orengimngin aiz amar. Mach, wiram ampin kivahinsind mban oreng kamar. Ami ankaripir ñimb arimngimar. Ami najahav arimngimar. Nan orengi arimngimar.

<sup>50</sup> Mach, mbikir yupir hirahir osapir han avizinge, pams hanon najahave ankwani Jisasind pin amar.

<sup>51</sup> Aviz Jisasiv ndin mbanave amarimar. Nzi nan utizijn are njihamin amar. Az wiram ampin kivahinsind hamb ndin kamar. Aninzn entand, nzi wehirijn are kin amar.

<sup>52</sup> Mach, Jisasiv ndin kamar. Ami ov amar. Amakir njih ankaripir hamb raz ami imbir ndih ñin amar. Aviz pams hanon ampin mbikir hamb imbir ñiz wehirimar. Ave mbi Jisasih empasamin mpehiromar.

**Jisasiv pirivir ohira ne me ekwang najahamar**

# 11

(11.1–16.16)

*Jisasiv wiram anijnsar ohira isupirind emamp Jerusalemij ngwevomar  
(Matyu 21.1-11; Luk 19.28-40; Jon 12.12-19)*

<sup>1</sup> Mach ave, Jisasiv mbikir sezirmen Jerusalem ikwim ivi Betfage mach Betani aiampiranj ahevikirorimngimar. Aiampira undimaj mbanamb aparima Olivind handih ñihiranj. Ave Jisasiv sezir undimaj hamb ondiv kamar.

<sup>2</sup> Ave mbi ndij mbanave kamar. Aiampira kehan wawimbirarij hanj ovar amar. Ami aiampira kehanj ngwevohe pams hanjon donki nor han wandiramngin amar. Mbi ndin mpamngiz ankwañiñimbiri han, enambir wiram emngav ndin insij mingariwimngirim amar. Mbikir kiripa han inimbi donki nor kehan ñe hirairvar amar.

<sup>3</sup> Aviz wiram emngav andij amarimir amar. Ami utindiv donki nor han ñe hiromngin arar amarimir amar. Ami mbikir ya enore kavar amar. Anijnsar Ohirav ndin ntij mbah, ave mbi ekwang pams hanjon engwaz aindari arar kavar amar.

<sup>4</sup> Mach, sezir undimaj hamb omngimar. Mbi aiampiranj ngwevohe wamngiz donki nor hamb empasamij ankwañimar. Wiram kira emngemngav donki nor mbanan mpamngiz oram impikij ikwim handih ankwañimar. Mach, sezir undimaj hamb ndin kiripa han inimbimngimar.

<sup>5</sup> Aviz wiram kira ikwim ankwañihirimngimar hamb ndij mbanave amarimngimar. Ami undimaj utizijin are donki nor mban inimbimngin arimngimar.

<sup>6</sup> Aviz sezir undimaj hamb Jisasiv ndij kamar hanaveonanj ndij kamngimar. Az wiram kira hamb mpi imbirvam ñi sezir undimaj han kamngimar. Aria, ñe hirovar arimngimar.

<sup>7</sup> Mach, sezir undimaj hamb donki nor han Jisasind pij hiraimngimar. Ave mbi yupir hirahir osapir mbindij han donki nor han insij ngamngimar. Az Jisasiv hand insij ñkañimar.

<sup>8</sup> Wiram akij anchi akij hambez mbindij yupir hirahir osapir han ankwapai ore empasamij empiramamngimar. Emngemngav antanj we aiyena akokazijge empasamij amamngimar.

<sup>9</sup> Ave wiram akij anchi akij hamb Jisasih uhimij nangwame hiromngimar. Minjamun hanave aware kamngimar. Nijimbam onjambam Yakij Ohirandiv ñim arimngimar. Wiram hamb Yakij Ohirand ensanj aindai han, eran Yakij Ohirav ndin omanenta siz arimngimar.

<sup>10</sup> Arijind ncha Devit, mbikir kwi hanj ahevakarindari han Yakij Ohirav omanenta siz arimngimar. Yakij Ohirav Aiampira Ohira Ñanj ñi han, ari ndindiv nijimbam onjambam ñim arimngimar.

<sup>11</sup> Aviz Jisasiv Jerusalemij ahevakare Yakij Ohirand marivai oram ohirand imbiz unchanj ahevomar. Ave mbi werer ndamar. Kirim rapiriv ñkwunjin azand mbi sezir oman ñkinjing undimaj mbikirmen Betanij ekwang aimngimar.

*Jisasiv ya erokare ai fik hamb nor ngwiminj are kamar  
(Matyu 21.18-19)*

<sup>12</sup> Mach, uiv ñakaz mbi aiampira Betani erere ondamngiz, Jisasiv unsandiv mamar.

<sup>13</sup> Ave mbi waz ai fik hamb tanjipir kansind ñimar. Ai kehan zijimp ohira. Ave mbi ainor han kirahir ai kehand pij omar. Kirim ainor emngang miwam, nend. Zijimbam ñi ainor pamang mingwim. Han ainor ngwiñgwind inji mah.

<sup>14</sup> Az Jisasiv ai fik han mbanave kamar. Ami mij han windiv ngwimin avin wiramb namngiminj, nendon mijun amar. Aviz mbikir seziriv ya mban njihamngimar.

*Osa anchi hamb Yakŋ Ohirand marivai oram ohiranj nsiham nor ntiŋ ŋaŋ ñimŋgizand Jisasiv ndiŋ kianŋwimar*

*(Matyu 21.12-17; Luk 19.45-48; Jon 2.13-22)*

<sup>15</sup> Mach, Jisasiv sezirmen we Jerusalemiŋ ahevikiroŋimŋgimar. Ahevikiroŋimŋgiz Jisasiv Yakŋ Ohirand marivai oram ohirand imbiz unchanj ahevomar. Ahevohe osa anchi nsiham nor ntiŋ ŋaŋ ñimŋgimar han mach osa anchi hanihan unki engwamŋgimar hanez ondo ake kianŋwimar. Ave mbindiŋ antiŋ nsiham nor enoroŋind mach ai esa sam han ŋgariwi ikŋiŋgwim unki engwamŋgij han ŋimbi akŋiriziŋge pazimŋgamar.

<sup>16</sup> Ave mbi ndiŋ erokare kamar. Hanihan utuhutuh han Yakŋ Ohirand marivai oram ohirand imbiz unchanj hiro hirai rar hirandamŋgimin amar.

<sup>17</sup> Ave ndiŋ ya sikah kamar. Yakŋ Ohirand aniŋziŋ enta ya han mbanave mpamar oh o nend amar. Oram ihind han, han Yakŋ Ohirand oram ahaz ororoŋind arar kandiramŋgi arar mpamar amar. Wiram akŋ anchi akŋ yimbim emŋgemŋgand hamb, mbi oram mbananj ai yan ahaz orindiramŋgi arar mpamar amar. Kirim ami ndin ramŋgin ui ŋkwonka akimindind emamp ahevakari amar.

<sup>18</sup> Aviz osa anchi hamb Jisasind ya han njihame ntamŋgimar. Az wiram kira aniŋnsar hanihan Yakŋ Ohirandiŋ ahaz ore ŋgamamind hamb wiram kira ya Mosesind injambir ahe sikahindimen han we handiŋ mbi Jisasindiŋ ezandikŋahambimŋgimar. Handiŋ mbi ondo ake empasam Jisas mamta oriŋgamamindiŋ kiramŋgimar.

<sup>19</sup> Mach, nanempand zuh han Jisasiv sezirmen Jerusalem erere omŋgimar.

*Wiram hamb njihi ankaripir ŋe njihame Yakŋ Ohirah ahaz orindari hamb, mbi hanihan ŋandari*

*(Matyu 21.20-22)*

<sup>20</sup> Mach ave, uiv ŋakaz mband zuhun Jisasiv sezirmen empasamiŋ aimŋgimar. Ai wamŋgiz ai fik hamb miŋind ntiŋind ziŋind miŋam ndih piriravimar.

<sup>21</sup> Aviz Pitav hanihan Jisasiv simar han njihame kamar. Aniŋziŋ entand, wav amar. Mirih ai fik mbanamb kivah raz arar keman han, irih miŋam ndih piriri amar.

<sup>22</sup> Aviz Jisasiv ndiŋ kamar. Ami Achakiŋŋam njihi ankaripir ŋe njihambar amar.

<sup>23</sup> Nzi andiŋ miŋun kin amar. Wiram emŋga hamb aparima han imbir mbanave kamir amar. Ami ŋaiahe piraŋgore utim yambiŋ ŋkwuv arar kamir amar. Mach, wiram hamb njihi undimaj mah ñi, hanihan kehandiŋ njihi ankaripir ŋe njihamiz ya mbi ki kehamb ndindiŋ imbir ahevakarindari han, mbi imbir ahevakarindari amar.

<sup>24</sup> Handiŋ nzi andiŋ kin amar. Ami hanaveang hanihan ŋaŋin are njihi ankaripir ŋe njihame Yakŋ Ohira ahaz orindiramŋgin han, hanihan ami amarimŋgin kehamb andiŋndiŋ imbir ahevakarindari amar.

<sup>25-26</sup> Mach, andiŋ wiram emŋgav enta kivah siz, mach ami ankwanihiri Yakŋ Ohira ahaz ore mbikir enta kivah han inimbivar amar. Hanavimŋgin amandiŋ Yakŋ mbikir Aiampira Ohira Ŋaŋ ñi mbanamb mbi amandiŋ enta kivah hanez usindari amar.

*Jisasih ensa ohira uñimb engwar arar amarimŋgimar*

*(Matyu 21.23-27; Luk 20.1-8)*

<sup>27</sup> Mach, Jisasiv sezirmen Jerusalemiŋ ekwang aimŋgimar. Ave Jisasiv Yakŋ Ohirand marivai oram ohirand imbiz unchanj ŋgwevohe ndazand, wiram kira aniŋnsar hanihan Yakŋ Ohirandiŋ ahaz ore ŋgamamind, wiram kira ya Mosesind injambir ahe sikahind, mach wiram untiŋ ohira kira Judand hamb ndin piŋ aimŋgimar.

<sup>28</sup> Mbi ai ndin mbanave amarimŋgimar. Ami ensa ohira han nzihandih ŋe ntiŋ mban ŋan arimŋgimar. Ave nan ensa ohira han uñimb engwe nan kaz ntiŋ mban ŋan arimŋgimar.

<sup>29</sup> Aviz Jisasiv ndiŋ mbanave kamar. Mach, nzez andiŋ hanihan emngandiŋ amarindarin amar. Ami ihind amaran han omanenton kamngin, uñimb yan ensa ohirand ntiŋ mban njanidiŋ engwar han nzi andiŋ imbir kaŋ wandiramngin amar.

<sup>30</sup> Enjambir Jonimb osa anchi han yambiŋ nżaziknjiringwi nżambiahanj amar. Han Yakŋ Ohirav ndin kaz ranj arar njihamngin oh o wiram hamb ndin kamngiz ranj arar njihamngin amar.

<sup>31</sup> Mach, mbi mbon mbon mbanave kamngimar. Ari Yakŋ Ohirav ndin kaz ranj arar kamirijaŋg kirim mbi kandari arimngimar. Utindiŋ ami ndinih enjambirun njih ankaripir njihamimah ramngan arar kandari toh arimngimar.

<sup>32</sup> Kirim ari kamiriŋ wiram hamb ndin kamngiz ranj arar kamiriŋ arimngimar. Mbi wiram akŋ anchi akŋndiŋ ezandikŋahambimngimar. Wiram akŋ anchi akŋ hamb Jon ndinih wiram Yakŋ Ohirand ya injambir ahe kaŋ arar njihamngimar.

<sup>33</sup> Handiŋ Jisasind ya han mbiŋ ke kamngimar. Ari miwarim arimngimar. Aviz Jisasiv ndiŋ kamar. Nzez nzi andiŋ mikandiram ensa ohira han nzihandih ŋe ntiŋ mban ŋin han amar.

## 12

*Ya ahimb wiram kira kivahiv kiripa nor yambinsindind war han wehirimnganjind  
(Matyu 21.33-46; Luk 20.9-19)*

<sup>1</sup> Mach, Jisasiv ndiŋ ondo ake ya ahimb akŋ han kamar. Wiram emngav kiripa nor yambinsindind war uimir amar. Ui imbiz han ŋakare min ohira awamir amar. | f\* Ave mbi wiram kirav war mban wehirehiriŋdiŋ war oram asimir amar. Ave mbi war mban wiram kira emngemngand oman insiŋ ŋgamir amar. Mach, kiripa nor yambinsindind waniriŋ kamir amar. Ami ihind war mban omanenta wehire mach kiripa nor yambind hanaveaŋ ŋandiramngin arar kamir amar. Ave mbi isupir tanjipir handih omir amar. \*

<sup>2</sup> Aviz kiripa nor yambinsind hamb miŋ ŋgwi ntawimir amar. Ave war waniriŋ wiram ntiŋ mamah ŋamir pamuh kehan kaz wiram kira kiripa nor yambinsindind war ntiŋ ŋamngimir hand piŋ omir amar. Ndiŋdiŋ kiripa nor yambinsind han engwamngiz are omir amar.

<sup>3</sup> Aviz wiram kira war ntiŋ ŋamngimir hamb wiram mban ŋe orimngimir amar. Ave ndin kiangwimngiz mamahon omir amar.

<sup>4</sup> Mach, war waniriŋ wiram ntiŋ mamah ŋamir emnga han kaz we ndiŋ piŋ omir amar. Aviz mbi zi mbikir han orampihe ampi engwe ndin kivahun simngimir amar.

<sup>5</sup> Az war waniriŋ wiram emnga han kaz oz ndin mamta oriŋgamngimir amar. Aviz war waniriŋ wiram akŋ han kaz ndiŋ piŋ omngimir amar. Ave hanaveaŋ orempire mach hanaveaŋ mamta orempiramngimir amar.

<sup>6</sup> Aviz wiram pamuh ñimir amar. Wiram mban mbikir nor, mbi ndiŋdivon ramir amar. Mach, ansam han nor mbikir han kaz mbi wiram kira war ntiŋ ŋamngimir hand piŋ omir amar. Mbikir waniriŋ mbon mbanave kamir amar. Mbi ihind nor han we ampi ake mbikir ya han imbir njihamindiramngi arar kamir amar.

<sup>7</sup> Kirim wiram kira war ntiŋ ŋamngimir mbanamb mbon ya mbon ya kamngimir amar. Wiram mbanamb utuhutih waniriŋ han miŋam ŋandari arar kamngimir amar. Aimngin ndin mamta orim arar kamngimir amar. Az war mban ariŋindiŋam arar kamngimir amar.

<sup>8</sup> Ave ndin ŋe mamta ore kiripa nor yambinsindind war akip handih avizumngimir amar.

<sup>9</sup> Aviz war wanir hamb utizimir amar. Mbi ai wiram kira kiripa nor yambinsindind war ntiŋ ŋamngimir mban mamta orempiramir amar. Ave kiripa nor yambinsindind war mban wiram emngemnga han engwamir amar.

\* **12:1** \* (12.1) Min ohira kehan sam wiram kira hamb kiripa nor yambinsind han ankwawahah mbikir yamb han ŋamngij.



<sup>10</sup> Ami Yakɔ Ohirand anɔziɔ enta mban mamehimngim oh a amar. Ya mbanamb mbanave ki amar. Nsiham mban wiram kira oram asazind hamb mbi kivah are ɔavizumngimar arar ki amar. Kirim nsiham mbanamb nsiham anɔnsar ukind ɔi arar ki amar.

<sup>11</sup> Yakɔ Ohirav mbon kaz ndih ahevakari arar ki amar. Handiv ari ndin warɔ mbi ariɔind ampɔn insɔ imbirun ɔi arar ki amar.

<sup>12</sup> Ave mach, mbi wamngiz, Jisasiv ya ahimb ndiɔndiv kamar. Aviz mbi Jisas aɔgwore ɔaɔndiv njihamngimaraɔ, kirim wiram akɔ anchi akɔndiv ezandikɔahambimngimar. Ave mbi Jisas erere omngimar.

*Osa anchi hamb ekwanz unki han Sisarɔ imbir engwandiramngi oh o nend  
(Matyu 22.15-22; Luk 20.20-26)*

<sup>13</sup> Mach ave, mbi kamngiz wiram untim Farisind hamb wiram untim Herotind hamen Jisasind piɔ aimngimar. Ave mbi Jisasiv yaya opɔha kaz ndin ya oramiɔ hironɔn are aimngimar.

<sup>14</sup> Ave mbi ai ndin kamngimar. Anɔziɔ entand, ari ndih warɔ, ami wiram ya miɔun karin arimngimar. Ami wiram akɔ hamb handihambam arar njihame ndiɔndiv enta pamuh rariɔn arimngimar. Ave wiram ensansind o ensa mah ami ndiɔndiv hanaveam rariɔn arimngimar. Ya miɔndiv ami wiram akɔ anchi akɔ Yakɔ Ohirand enta akɔ han sikariɔn arimngimar. Ari imbir ekwanz unki han Sisarɔndiv engwamiriɔn oh o nend arimngimar. Ari engwamiriɔn oh o nend toh arimngimar.

<sup>15</sup> Aviz Jisasiv mbindiɔ yosa han ndih wamar. Ave mbi ndiɔ mbanave kamar. Ami utiɔndiv yan ondo mpamngin amar. Ami nsiham nor emɔga han ɔe hiraimngin waɔ amar.

<sup>16</sup> Az mbi nsiham nor han ɔe engwamngiz Jisasiv ndiɔ amarimar. Emansiɔ mban mach ensa mban uɔind amar. Az mbi kamngimar. Han Sisarɔnd arimngimar.

<sup>17</sup> Aviz Jisasiv ndiɔ mbanave kamar. Utuhutuh Sisarɔnd han, han ami Sisar engwavar amar. Mach, utuhutuh Yakɔ Ohirand han, han Yakɔ Ohira engwavar amar. Aviz, mbi ya mbikir mban njihame ntamngimar.

*Wiram emɔgav mamta me ekwanz ɔaiahandari handiv untim Sadyusind hamb Jisas amarimngimar  
(Matyu 22.23-33; Luk 20.27-40)*

<sup>18</sup> Mach, untim Sadyusind hamb Jisasind piɔ aimngimar. Untim mbanamb kamnganj. Wiram hamb me, mbi ekwanz miɔaiyahandiram arimnganj. Ave mbi Jisasɔ mbanave amarimngimar.

<sup>19</sup> Anɔziɔ entand, Mosesiv ariɔndiv enta mbanave mpamar arimngimar. Wiram emɔgav maz, anchiriɔ mbah ɔi ave nornanch mah raz, mbikir rariɔn anchi mban ɔe nornanch akore yanirind ensaɔ njimbizahaz arar mpamar arimngimar.

<sup>20</sup> Az mach, ziɔgir pamuh hamb nor kira ahins ɔimnganj arimngimar. Mbindiɔ aziɔ anɔnsar hamb anchi mban ɔe, mboz mamar arimngimar. Mbi nornanch mah arimngimar.

<sup>21</sup> Aviz rariɔriɔvez anchi mban ɔe, mbez mamar arimngimar. Mbez nornanch mah arimngimar. Az rariɔ emɔgavez enta haremampaɔ ramar arimngimar.

<sup>22</sup> Mach, ahins hamb nornanch mah arimngimar. Aviz mapɔ miɔun haɔ, anchi mbanambeɔ mamar arimngimar.

<sup>23</sup> Aviz mapɔ haɔ, osa anchi hamb ekwanz ɔaiahamngiz, anchi mban uɔimanind anchi ɔindari arimngimar. Ami ndih wan, wiram akɔ ahins hamb ndin ɔamngiz aviz ndin anchi mbindiɔ emamp ɔanɔ arimngimar.

<sup>24</sup> Aviz Jisasiv ndiɔ kamar. Ami ya Yakɔ Ohirand anɔziɔ enta unchaɔ ɔi han mach Yakɔ Ohirand aɔkaripir haneɔ miwamngirim amar. Handiv ami ya opɔha kamngin amar.

<sup>25</sup> Wiram akɔ anchi akɔ mamngimar hamb, mbi ekwanz ɔondirahandiramngi amar. Kirim wiram akɔ anchi akɔ kehamb, mbi anuwa mah anchi mah ɔihirindiramngi amar.

Nend amar. Mbi Yakŋ Ohirand mapin akŋ Yakŋ Ohirand Aiampira Ohira Ŋanŋind emamp ŋindiramŋgi amar.

<sup>26</sup> Aviz wiram akŋ anchi akŋ hamb mamŋgiz Yakŋ Ohirav ndin ekwanŋ ŋimbizahandari han, ami ya Mosesind hamb aninziŋ enta unchan ŋi han mamehimŋgim oh a amar. Yakŋ Ohirav aisaz handih Mosesih kamar amar. Yan Yakŋ Ohira Abrahamind Aisekind Jekopind arar kamar amar.

<sup>27</sup> Yakŋ Ohirah ndin wiram akŋ anchi akŋ mamtand Yakŋ Ohira mah amar. Ndin wiram akŋ anchi akŋ kipirinsind ŋimŋgi hand Yakŋ Ohira amar. Ami ya opiha ndih kamŋgin amar.

*Yakŋ Ohirand enta aninŋnsar  
(Matyu 22.34-40; Luk 10.25-28)*

<sup>28</sup> Mach, wiram ya Mosesind injambir ahe sikahind emŋga hamb ai njihamizand untim Sadyusind hamb Jisasmen ya ankaripir kamŋgimar. Mbi njihamizand Jisasiv mbindin ya mbin ke kamar han imbirun ŋimar. Ave mbi Jisasih amarimar. Utiman entav enta akŋ han epari aninŋnsar ŋi amar.

<sup>29</sup> Aviz Jisasiv ndin mbin ke kamar. Enta aninŋnsar ŋi han mbanimb amar. Andin Israelind omanenta njihambar amar. Aninŋnsar Ohira, ndin Yakŋ Ohira arinŋind, ndinih Aninŋnsar Ohira pamuhun amar.

<sup>30</sup> Ami amakir achakiŋndivam rav amar. Ami amakir mpi unchan ndindivam rav amar. Amakir kipirin, njih amakirin, mach amakir ankaripirin ndindivam rav amar.

<sup>31</sup> Mach, enta emŋga han mbanimb amar. Ami amakir ya pamind handiv rav amondiv rarin hanaveanŋ amar. Enta emŋgemŋga hamb enta undimaj mbanan meparimŋgim amar.

<sup>32</sup> Aviz wiram ya Mosesind injambir ahe sikahind mbanamb Jisasih mbanave kamar. Aninziŋ entand, ami ya han minun kan amar. Yakŋ Ohirah ndin pamuhun arar kan amar. Yakŋ Ohira emŋgemŋgavanŋ miŋim, nend arar kan amar.

<sup>33</sup> Ave ami ya hanez kan amar. Ari Achakiŋndivam arinŋind mpi unchan ram arar kan amar. Ave njih arinŋindin, mach arinŋind ankaripirin ndindivam ram arar kan amar. Ave ari arinŋind ya pamind handiv ram arondiv rarin emamp arar kan amar. Ari enta undimaj mban mpehiromirin han, enta mbanamb enta emŋgemŋga han eparij amar. Mbi enta hanihan Yakŋ Ohirandiv ahaz ore ŋgamamind piritimin minam unŋij han eparij amar. Mach, mbi hanihan emŋga Yakŋ Ohirandiv ahaz ore ŋgamamind hanez eparij amar.

<sup>34</sup> Wiram mbanamb ya kazand Jisasiv waz ndin wiram njih imbirind emamp ŋimar. Aviz Jisasiv ndin kamar. Ami Yakŋ Ohirand kwi han tanjipir miŋim amar. Aviz wiram akŋ hamb Jisas ekwanŋ amarinŋin arar ezandikŋahambimŋgimar.

*Jisasiv Yakŋ Ohirav wiram uyinŋwamimar handiv amarimar  
(Matyu 22.41-46; Luk 20.41-44)*

<sup>35</sup> Mach ave, Jisasiv Yakŋ Ohirand marivai oram ohirand imbiz unchan ŋimar. Ave mbi wiram akŋ anchi akŋ han ya sike amarimar. Utindiv wiram kira ya Mosesind injambir ahe sikahind hamb mbanave kamŋgij amar. Wiram Yakŋ Ohirav mbikir osa anchi ekwanŋ ŋimbimbindiv uyinŋwamimar han ndin Devitind nor arar kamŋgij amar.

<sup>36</sup> Kipir Imbir Yakŋ Ohirand hamb Devitih njih enŋwaz mbi mbonam mbanave kamar amar. Yakŋ Ohirav Aninŋnsar Ohirah ihind han mbanave kamar amar. Ami ihind oman minind han ŋkaŋin nzi imbir amakir ahambiriŋarih ichorin amakir kwin ŋindiramŋgi arar kamar amar.

<sup>37</sup> Az Devitiv mbonam kamar amar. Wiram mbanamb ihind Aninŋnsar Ohira ŋi arar kamar amar. Aviz utindiv wiram mbanamb Devitind nor ŋi amar. Ave mach, wiram akŋ anchi akŋ ohiron hamb Jisasind ya han njihame ŋiŋimbam oŋambam ŋihirimŋgimar.

*Jisasiv wiram kira ya Mosesind injambir ahe sikahindind enta simngij handiv kamar  
(Matyu 23.1-36; Luk 11.37-54; Luk 20.45-47)*

<sup>38</sup> Mach, Jisasiv ndiŋ sike kamar. Ami wiram kira ya Mosesind injambir ahe sikahind han omanenta werivar amar. Mbi yupir hirahir osapir han hirandandiv njihamngij amar. Ave wiram akŋ anchi akŋ hamb ndiŋ rapirint engwamngiz are unki engweŋgw ampira akŋ handivam njihamngij amar.

<sup>39</sup> Ave mbi sam ŋkañiñind hamb Yakŋ Ohirand marivai oramiŋ aniŋnsar ñi han ŋaŋindiv njihamngij amar. Mach, yuŋk ohira unsa nand haŋ mbi sam ŋkañiñind aniŋnsar ñi han ŋaŋindivez njihamngij amar.

<sup>40</sup> Mach, mbi anchi kira enduwa kira han yosa si mbindiŋ hanihan utuhutuh han miŋam ŋimbimngij amar. Ave mbi Yakŋ Ohira osapir ohira ahaz oror ñimngij amar. Kirim mbi yosa simngij amar. Handiv yuŋk ansam yuŋk ohira ya kahind hamb ahevakariz mbi kir ohira ŋandiramngi amar.

*Anchi hanihan mah apar hamb Yakŋ Ohirandiv nsiham nor engwamar  
(Luk 21.1-4)*

<sup>41</sup> Mach ave, marivai oram ohira Yakŋ Ohirand ai esa nsiham norind hamb ñi handih Jisasiv ikwim ŋkañimar. Ave mbi wehirizand wiram akŋ anchi akŋ hamb ai nsiham nor han ai esa nsiham norind unchaŋ hiriziŋgwimngimar. Az wiram akŋ anchi akŋ nsiham norinsind hamb nsiham nor akŋ han ai esa unchaŋ hiriziŋgwimngimar.

<sup>42</sup> Aviz anchi enduwa hanihan mah apar hamb ai nsiham nor undimaj akav han ai esa nsiham norind unchaŋ hiriziŋgwimar.

<sup>43</sup> Aviz Jisasiv sezir mbikir han oreŋgiz aimngimar. Aimngiz mbi ndiŋ mbanave kamar. Nzi andiŋ miŋun kin amar. Anchi hanihan mah apar mbikir mamiriv ndih mamar mbanamb, mbi nsiham nor ohira engwi amar. Mbi wiram akŋ anchi akŋ hamb nsiham nor akŋ ai esa nsiham norind unchaŋ hiriziŋgwimngimar han epari amar.

<sup>44</sup> Wiram akŋ anchi akŋ hamb nsiham nor akŋ mbindiŋ han mbah amar. Mbi ohira kamah hiriziŋgwimngi amar. Kirim anchi mbanamb nsiham nor mbikir han miŋam hiriziŋgwi amar. Ave mbi nsiham nor unsa unki engweŋgw han apar amar.

## 13

*Jisasiv Yakŋ Ohirand marivai oram ohira hamb warahandari handiv kamar  
(Matyu 24.1-2; Luk 21.5-6)*

<sup>1</sup> Mach, Jisasiv Yakŋ Ohirand marivai oram ohira han erere ozand sezir emŋga mbikir hamb ndin ya mbanave kamar. Aniŋziŋ entand, ami nsiham ohira akŋ imbirpamun mban we nsiham oram ohira akŋ imbirpamun mbanez wav amar.

<sup>2</sup> Az Jisasiv ndin mbiŋ mbanave kamar. Ami oram nsiham ohira akŋ imbirpamun mbanan wan oh a amar. Njimiŋ haŋ wiram hamb oram akŋ mbanan akore uvihaindiramngi amar. Ave mbi nsiham emŋga han ererimngiz nsiham emŋgand insiŋ miŋkañindiram amar.

*Jisasiv kir akŋ kir hamb ahevikiroindari handiv kamar  
(Matyu 24.3-14; Luk 21.7-19)*

<sup>3</sup> Mach, Jisasiv aparima Oliv handih ŋkañi waz Yakŋ Ohirand marivai oram ohira hamb mbiŋhoh handih ñimar. Az Pita, Jems, Jon, Andru, hanave mbon ikumun Jisasind piŋ ai ndin amarimngimar.

<sup>4</sup> Ariŋ kan wam, hanihan mbanamb nzihandihan ahevakarindiramngi arimngimar. Utiman mboz ahevakariz han we kandirariŋ arimngimar. Hanihan utuhutuh kir ohira hamb ikwim ndih ahevakarindiramngi arar kandirariŋ arimngimar.

<sup>5</sup> Az Jisasiv ndiŋ ondo ake kamar. Ami omanenta wehirivar amar. Ave wiram emŋga hamb ai andiŋ yosa kaminj amar.

<sup>6</sup> Wiram akŋ hamb ihind ensaŋ ai kandiramŋgi amar. Han nzon arar kandiramŋgi amar. Ave mbi wiram akŋ anchi akŋ han yosa sindiramŋgi amar.

<sup>7</sup> Mach, njiminj haŋ ami ihiriv ohira ankwind han, mach yansi ankwihira hamb ui nzimoh nzimoh haŋ ahevakariz han njihame, ami ntamŋgimin amar. Yakŋ Ohirand njihamb mbanave ñimar amar. Hanihan utuhutuh kir ohira mbanamb ahevikirorindiriramŋgi amar. Kirim yuŋk ansam han ichar amar.

<sup>8</sup> Wiram akŋ anchi akŋ yimbim pamuhind hamb wiram akŋ anchi akŋ yimbim emŋgand hamen ŋondirahe era mpandiramŋgi amar. Ave wiram akŋ anchi akŋ wiram aninŋsar ohirand kwi ñimŋgij hamb wiram akŋ anchi akŋ wiram emŋga aninŋsar ohirand kwi ñimŋgij hamenez ŋondirahe era mpandiramŋgi amar. Mach, isupir nzimoh nzimoh han onjira hamb tim emŋga tim emŋga ŋandari amar. Mach, rapirivam rapirivam ñiz unsa mah apar ñizand wiram akŋ anchi akŋ hamb unsandiv mahindiriramŋgi amar. Hanihan utuhutuh mbanamb ahevakarindiriramŋgi han anchi kirav nornanch akarinŋin are pirivir ohira ŋamŋgij haremampaŋg amar.

<sup>9</sup> Mach, haŋonaŋg ami amonaŋg omanenta wehirivar amar. Mbi andiŋ ŋimbi ya oram ohiraŋ mach Yakŋ Ohirand marivai oramiŋ hirohe andiŋ orindiriramŋgi amar. Ami yandiv wiram kira aninŋsar ohira osa anchind mach wiram kira aninŋsarind, mbindiŋ emansiŋ ankwañindiriramŋgin amar. Ave ami ndiŋndiv Yakŋ Ohirand ya imbir han engwandiramŋgin amar.

<sup>10</sup> Az Yakŋ Ohirand njihamb mbanave ñi amar. Wiram akŋ anchi akŋ yimbim emŋgand emŋgand han Yakŋ Ohirand ya imbir han mboz engwamŋgiz amar.

<sup>11</sup> Ave, mbi andiŋ ŋimbi ya oramiŋ hironŋgiz ami ya han uti arar kandiramŋgin handiv njihamb osapir njihamŋgimin amar. Ya akŋ pir akŋ han andiŋ Yakŋ Ohirand Kipir Imbir hamb engwandari han, haŋon kirimam kavar amar. Ya mbanan njihamb amandiŋon mikandiramŋgin, nend amar. Kipir Imbir Yakŋ Ohirand hamb mbon kandari amar.

<sup>12</sup> Wiram hamb mbikir ranirih mamta ororndiv ranirih ya oramiŋ hirondari amar. Mach, waniriv mbikir nornanch han hanaveonaŋg randari amar. Nornanch hambez miŋunjir wunjirind ya han miŋnjhamindiriramŋgin, mbi ndiŋ mamta orempirindiriramŋgi amar.

<sup>13</sup> Aviz ihind ensandiv wiram akŋ anchi akŋ hamb andiŋ wamŋgiz mbindiŋ mpi hamb kirim kivah randiramŋgi amar. Kirim osa anchi hamb ankaripiron ñimŋgizand yuŋk ansam hamb ahevakarindari han Yakŋ Ohirav ndiŋ ekwaŋg ŋimbindari amar.

*Hanihan kivah miŋun hamb ahevakarindari  
(Matyu 24.15-28; Luk 21.20-24)*

<sup>14</sup> Jisasiŋ mbahon mbanave kamar. Ami wamŋgin, nsihamb kivah wiramb omaniŋ ŋaŋ hamb sam Yakŋ Ohirav erokariŋ handih ankwañindari amar. (Wiram aninŋziŋ enta mban amehhind hamb omanenta njihamiz.) Mach, wiram kira aiampira akŋ Judiand ñihirimŋgi hamb kirore aparima akŋ aparima haŋ omŋgiz amar.

<sup>15</sup> Az wiram oram umpirih ñi ŋkaindari kehamb, mbi mbikir hanihan han ŋimbiniŋin are ekwaŋg oram unchaŋ ahevomiŋj amar.

<sup>16</sup> Wiram war unchaŋ ñindari kehamb, mbikir yupir hirahir osapir han ŋaŋin are ekwaŋg oramiŋ omiŋj amar.

<sup>17</sup> Mach, yuŋk haŋonaŋg anchi kira mpinsind mach anchi kira nornanch ankwirnsind man icha namŋgi kehamb, mbi kir ohira ŋandiramŋgi amar.

<sup>18</sup> Ami Yakŋ Ohira ahaz orimŋgin, kir ohira hamb apiñind haŋ mahevakarindiriram amar.

<sup>19</sup> Mach, haŋonaŋg hanihan kir ohira hamb ñindari amar. Eŋambirun Yakŋ Ohirav isupir mban ŋgame ŋgamimar han aim ati irih ñiñmbirariŋ han, eŋambir han kir ohira kehamb mahevakarim ramar amar. Mach, njiminj hanez kir ohira kehamb hambez ekwaŋg mahevakarindiriram amar.

<sup>20</sup> Kirim Yakḡ Ohirav kir ohira kehandiv yunḡ han pach ḡgamimah ramir han, wiram akḡ anchi akḡ hamb miḡamun kwevirimḡgimir amar. Kirim osa anchi mbondiv uyizimḡwimar kehandiv njihame, handiv Yakḡ Ohirav yunḡ han pach ḡgamindari amar.

<sup>21</sup> Mach, haḡonaḡ andiḡ wiram emḡgav kandari amar. Wavar arar kandari amar. Wiram Yakḡ Ohirav mbikir osa anchi ekwaḡ ḡmbimbindiv uyimḡwamar hamb, mbi mbanimb ḡi o mbihoh kenimb ḡi arar kandari amar. Mbikir ya han njih anḡkaripir ḡe njihamḡgimin amar.

<sup>22</sup> Wiram kira yosand hamb ahevakarindiramḡgi amar. Hanaveaḡ kandiramḡgi amar. Yan wiram Yakḡ Ohirav mbikir osa anchi ekwaḡ ḡmbimbindiv uyimḡwamar han kaz aiin hamb arar kandiramḡgi amar. Hanaveaḡ kandiramḡgi amar. Yan wiram Yakḡ Ohirand ya injambir ahe sikah emḡga hamb arar kandiramḡgi amar. Ave mbi Yakḡ Ohirav ndiḡ kaz mbi ntiḡ Yakḡ Ohirand ḡaḡ mbiramḡin are ntiḡ anḡkaripir pamuh han sindiramḡgi amar. Mach, mbi utuhutuh ntiḡ anḡkaripir endiraparam han sindiramḡgi amar. Ave osa anchi Yakḡ Ohirav mbondiv uyizimḡwimar han ḡimbi empasam kivahiḡ hironḡin are mbi ndiḡ yosa simḡgimar.

<sup>23</sup> Handiv ami omanenton wehirivar amar. Utuhutuh hamb ahevakarindari handiv, andiḡ ya han ndih kandiḡin amar.

*Njiminḡ haḡ Wiramind Nor hamb ekwaḡ aindari  
(Matyu 24.29-31; Luk 21.25-28)*

<sup>24</sup> Mach, Jisasiḡ mbahon kamar. Utuhutuh kir ohira hamb mach raz, haḡonaḡ rapir hamb zuh razand tihir hambez mikirandiram amar.

<sup>25</sup> Mach, ndivah hamb raka han erere ḡgorahirindiramḡgi amar. Aviz utuhutuh anḡkaripir rakand hambez kirim ntandiramḡgi amar.

<sup>26</sup> Mach, yunḡ haḡonaḡ wiram akḡ anchi akḡ hamb wamḡgizand Wiramind Nor hamb raka unchaḡ ḡi mbikir anḡkaripir ohiransind mach mpamind ohiransind aindari amar.

<sup>27</sup> Mach, yunḡ haḡonaḡ mbi Yakḡ Ohirand mapiḡ akḡ han kaz we osa anchi mbondiv uyizimḡwimar han isupir nzimoh nzimoh ḡimḡgi handih anḡkwezawindiramḡgi amar.

*Ami ya ahimb ai fikind ondo haḡ wavar  
(Matyu 24.32-35; Luk 21.29-33)*

<sup>28</sup> Mach, Jisasiḡ mbahon kamar. Ami ya ahimb ai fikind haḡ ondo wavar amar. Aiyena nor nor mbikir hamb yambinsind ḡiz ziḡ ḡkwiriḡ nor nor hamb ondo ake ahaj han, ami wamḡgin yambind iḡgi hamb ikwim ndih ivindari amar.

<sup>29</sup> Mach, hanaveonaḡ, nzi hanihan andiḡ kaḡ ahevakarindari han we wamḡgin yunḡ ansam hamb ikwim ndih ivindari amar.

<sup>30</sup> Nzi andiḡ miḡun kin amar. Osa anchi irih ḡimḡgimbiri mbanamb mamah ramḡgizand utuhutuh akḡ hamb haḡ ahevakarindari amar.

<sup>31</sup> Mach, rakand isupirind mbi undimaj kwevirindiramḡgi amar. Kirim ihind ya hamb mikwevirindiram amar.

*Wiram emḡgavaḡ utuhutuh mbanamb yunḡ haḡ ahevakarindari han miwarim  
(Matyu 24.36-44)*

<sup>32</sup> Mach, Jisasiḡ mbahon kamar. Utuhutuh mbanamb ahevakarindari han wiram emḡgavaḡ mbi yunḡ, rapiraḡ han miwarim amar. Yakḡ Ohirand mapiḡ akḡ hamb mach Nor mbikir hambez miwamḡgirim amar. Yakḡ Ohiravam yunḡ mbanan waj amar.

<sup>33</sup> Utuhutuh mbanamb ahevakarindari han ami miwamḡgirim amar. Handiv ami ḡkiranḡi omanenton wehirivar amar.

<sup>34</sup> Han, wiram emḡgav mbikir oram erere we ui emḡgaḡ ndamir emampaḡ amar. Ave mbi mbikir wiram kira ntiḡ mamah ḡaḡind hamb mbikir utuhutuh akḡ han werimḡgiz are, mbi ndiḡndiv ntiḡ pamuh pamuh rar ambiroror enḡwarimbimir amar. Ave mbi wiram impikḡ wehirehirind han kamir amar. Amez omanenta weriv arar kamir amar.

<sup>35</sup> Handiv ami omanenton werivar amar. Ami yunk oram waniriv ekwang aindari han ami miwamngirim amar. Han mbi nanempand o zuh urim aindari han o aporamindiv orazand aindari han o mband zahun aindari hanez ami miwamngirim amar.

<sup>36</sup> Ave mbi pams hanon ai waz ami ikwi mbah ngañimngimin amar.

<sup>37</sup> Ya mban andin engwin han, wiram akñ anchi akñ minam ndinndivez engwin amar. Handiv ami omanenta wehirivar amar.

## 14

*Aninnsar kirav Jisasih mamta oringaminin are ya orimngimar*  
(Matyu 26.1-5; Luk 22.1-2; Jon 11.45-53)

<sup>1</sup> Mach aviz, ñir emamp han, Yunk Ohira Yakñ Ohirav Israelind han Nimbizahevaimar Hamb mach Yunk Ohira Enka Yis Mah Hamb ahevakarimar. Mach, hanonang wiram kira aninnsar hanihan Yakñ Ohirandiv ahaz ore ngamamind hamb wiram kira ya Mosesind injambir ahe sikahind hamen hanave awakñi ya ore kamngimar. Ari nzihanave Jisasih yosa si angwore ñe ya oramin hirohe mamta oringamindirarin arimngimar.

<sup>2</sup> Ari yunk ohira miroma unsa sizind han ndin minam arimngimar. Ave osa anchi hamb arin we ankwì ñakamngiminj arimngimar.

*Anchi emngav aiwir yamb uñakñnsind han Jisasind zi handih ampihamar*  
(Matyu 26.6-13; Jon 12.1-8)

<sup>3</sup> Mach ave, Jisasiv aiampira Betani handih we, wiram emnga usi ankaripir yupir okanganginsind hand oramin ñimar. Mbikir ensa Saimon. Jisasiv ñi antimin ñkañizand anchi emnga hamb ai nsiham nchi nor kwarupir emamp aiwir yamb uñakñnsind han hiraimar. Aiwir yamb han, han wahanz min, han nsiham nor ohira. Mach, anchi mbanamb nsiham nchi nor han ñaziware aiwir yamb han Jisasind zi handih ampihamar.

<sup>4</sup> Ampihazand wiram emngemnga hamb wamngiz ndin mpikim pir raz mbon ya mbon ya kamngimar. Mbi utindiv aiwir yamb han mamah ñkari arimngimar.

<sup>5</sup> Ari wiram engwarin unki engwamngimir han, ari imbir nsiham nor 300 silva ñe osa anchi hanihan mah han engwaminin arimngimar. Ave mbi anchi mbanan ankwì simngimar.

<sup>6</sup> Aviz Jisasiv ndin kamar. Ndin ererivar amar. Ami utindiv ndin kir engwamngin amar. Mbi yanin enta imbirun si amar.

<sup>7</sup> Osa anchi hanihan mah hamb andinmen mbah mbah ñindiramngi amar. Ami ndin hirawin are, ami imbir hirawindiramngin amar. Nzip andinmen mbah mbah minindiramar.

<sup>8</sup> Enta han anchi mbanamb ramir han ndin ri amar. Ihind yupir han aiwir yamb uñakñnsindin ndin ampini amar. Handiv nzi man yan hanaveonang aiwir yamb uñakñnsindin ankwè ngwamngininj amar.

<sup>9</sup> Nzi andin minun kin amar. Mbi isupir nzimoh nzimoh we Yakñ Ohirand ya imbir engwandiramngi han, anchi mbanand enta handivinsind kandiramngi amar. Ave mbi anchi mbananz njihamindiramngi amar.

*Judasiv Jisasih ñe aninnsar kirand oman insin ngaminin are njihamar*  
(Matyu 26.14-16; Luk 22.3-6)

<sup>10</sup> Mach ave, Jisasiv oman ñkinng undimaj sezirih ensamamar han, emnga mbindin Judas Iskariot. Mach, Jisasih mbindin oman insin ngaminin are, Judasiv wiram kira aninnsar hanihan Yakñ Ohirandiv ahaz ore ngamamind pin amar.

<sup>11</sup> Aviz mbi han njihame mpi imbirvam ñihiri ndin nsiham nor engwanin arar kamngimar. Az Judasiv, Jisasih ñe mbindin oman insin ngamamindiv empa kirim kiamar.

*Jisasiv sezirimen unsa namngimar*  
(Matyu 26.17-25; Luk 22.7-14; Luk 22.21-23; Jon 13.21-30)

<sup>12</sup> Mach ave, yuŋk aninŋnsar Yuŋk Ohira Enka Yis Mahind Hamb ndih ahevakarimar. Mach, yuŋk hanonang mbi Yuŋk Ohira Yakŋ Ohirav Israelind han Njimbizahevaimarind sipsip han orempiramnganj. Mach, yuŋk mbanamb ahevakariz Jisasind seziriv ndinih amarimngimar. Ari nzihandih we hanihan omanenta sindirariŋ arimngimar. Ave miroma unsa han ne Yuŋk Ohira Yakŋ Ohirav Israelind Han Njimbizahevaimar Han njihamindiran arimngimar.

<sup>13</sup> Aviz Jisasiv mbikir sezir undimaj han kamar. Ami aiampira ohiran ahevohe wamngin wiram emngav nchi yambinsind han asiŋ akŋi andiŋ empasamiŋ awakŋindari amar. Ndin mpehironvar amar.

<sup>14</sup> Mbi we wiram emngand oramiŋ ahevondari han, mach ami oram kehand wanir han mbanave kavar amar. Aninziŋ entandiŋ ki arar kavar amar. Oram uncha emnga han nzi unsa nanind han nzihandih ŋi arar ki arar kavar amar. Nzi ihind saimen miroma unsa ne Yuŋk Ohira Yakŋ Ohirav Israelind Han Njimbizahevaimar Han njihamindirariŋ arar ki arar kavar amar.

<sup>15</sup> Hanave kamngin mbi andiŋ oram uncha ohira emnga mbihawarind han mbiramiz wamngin hanihansind ŋindari amar. Mach, ami kehan ahevohe arinindiŋ miroma unsa han kirim omanenta sivar amar.

<sup>16</sup> Ave mbi we aiampira ohiran ahevohe wamngiz hanihan kamar hamb hanaveon ŋihirimar. Aviz mach, mbi miroma unsa han kirim omanenta simngimar.

<sup>17</sup> Mach, nanempand zuh razand Jisasiv sezir oman nkinŋing undimajimen aimngimar.

<sup>18</sup> Ai antimiŋ ngariwi namngizand Jisasiv ndiŋ kamar. Nzi andiŋ miŋun kin amar. Wiram emnga amandiŋ unsa pamind yanimen nanmbiri mbanambonang yan ŋe ihind ahambirunŋind oman insiŋ ngamindari amar.

<sup>19</sup> Az seziriv han njihamngiz mbindiŋ mpi hamb kir ohira ŋiz pamuh pamuh ndin amarimngimar. Nzi nend toh, nzi nend toh arimngimar.

<sup>20</sup> Aviz Jisasiv ndiŋ kamar. Wiram emnga amandiŋ oman nkinŋing undimaj mbonang tor uncha pamind yanimen siŋgwiŋanmbiri hambonang randari amar.

<sup>21</sup> Ya Yakŋ Ohirand hamb aninziŋ enta unchan ŋi hamb mbanave ŋi amar. Wiramind Nor mbanamb mandari arar mpamar amar. Kirim wiram mbanamb, Wiramind Nor han kambiriŋind oman insiŋ ngamindari kehamb, mbi pirivir ohira ŋandari amar. Miŋiriv ndin akari mah ramir, han imbir amar.

*Jisasiv sezirih enkan kiripa nor yambind enkwanamar  
(Matyu 26.26-30; Luk 22.15-20; 1 Korin 11.23-25)*

<sup>22</sup> Mach, mbi namngizand Jisasiv enka han ŋe Yakŋ Ohirah ya imbir engwe ŋanepamar. Naŋepe ndiŋ engwe kamar. Mban nambar amar. Mban yupir ihind amar.

<sup>23</sup> Mach, mbi sihomina kiripa nor yambinsind han ŋe Yakŋ Ohirah ya imbir engwe mach re ndiŋ engwaz miŋam namngimar.

<sup>24</sup> Namngiz ndiŋ kamar. Mban nti ihind, han ya ankaripir kehan aminjinjind hamb amar. Ihind nti hamb wiram akŋ anchi akŋndiŋ akŋiriziŋgandari amar.

<sup>25</sup> Nzi andiŋ miŋun kin amar. Nzi kiripa nor yamb mbanan ekwang minandiram amar. Niŋ nde wan Yakŋ Ohirav osa anchi hanaveang njimbiz mbikir kwini ŋindiramngi kehamb ahevakariz kiripa nor yamb ichon nandarin amar.

<sup>26</sup> Mach, Jisasiv sezirimen marivai ekamngiz mach raz aiampira ohira han erere ahevetai aparima Olivin awaromngimar.

*Jisasiv, Pitav ndin mapin amandari handiŋ kamar  
(Matyu 26.31-35; Luk 22.31-34; Jon 13.36-38)*

<sup>27</sup> Mach, Jisasiv ndiŋ kamar. Ami yan ererindiramngin amar. Yakŋ Ohirand aninziŋ enta hamb hanave ki amar. Nzi wiram sipsip wehirehirind han oriŋgamiŋ sipsip hamb pamuh pamuh rar kirorindiramngi arar ki amar.

<sup>28</sup> Kirim Yakḡ Ohirav yan ekwaḡ ḡambiahaz nzoḡ injore isupir Galilindiḡ ondarin amar.

<sup>29</sup> Mach aviz, Pitav ndin kamar. Wiram emḡgemḡgav nan ererimḡgiz, nzi nan mererindiramar.

<sup>30</sup> Aviz Jisasiv ndin kamar. Nzi nan miḡun kin amar. Irih zuh han aporamind hamb undimaj tim oramah razand ami undimapam tim kandiran amar. Nzi ndin miwarim arar kandiran amar.

<sup>31</sup> Az Pitav ya ankaripir ke kamar. Yand nand eran orempiramḡgiz amar. Nzi ndin miwarim arar mikandiram amar. Mach, sezir emḡgemḡga hamb hanaveam kamḡgimar.

*Jisasiv Getsemani handih ḡi Yakḡ Ohira ahaz orimar*

*(Matyu 26.36-46; Luk 22.39-46)*

<sup>32</sup> Mach aviz, Jisasiv sezirmen isupir emḡga han, mbikir ensa Getsemani handih ahevikiromḡgiz ndiḡ mbanave kamar. Ami mbananḡ ḡariwimḡginand, nzi Yakḡ Ohira ahaz orindarin amar.

<sup>33</sup> Ave mbi Pitand Jemsind Jonind ḡimbi mpahromar. Jisasiv we ondo ake njihame hiro hirai raz muyakam. Az mpi mbikir hamb kir kivah ḡimar.

<sup>34</sup> Ave ndiḡ kamar. Yan mpi hamb kir kivah ḡi amar. Kir hamb raz nzi mandarin toh amar. Ami mbananḡ ḡi omanenta wehirivar amar.

<sup>35</sup> Ave siwanḡkwe paraviziḡgwi ḡgaḡi Yakḡ Ohirah ahaz oror kamar. Yakḡ, ui kivah hamb yan imbir kivimir oh o nend amar.

<sup>36</sup> Ooo Abba, ihind Yakḡ amar. Ami hanihan utuhutuh imbir simin amar. Sihomiḡjai mban yanḡ kianḡwiv amar. Kirim ihind njihinḡam ḡamin amar. Amakir njihinḡon ḡamb amar.

<sup>37</sup> Mach, mbi hanave ahaz ore ke ekwaḡ ai waz sezir undimapam hamb ikwi ḡgaḡimḡgimar. Ave mbi Pitah kamar. Saimon, ami ikwi ḡgaḡiḡimbiran oh a amar. Ami utindiḡ rapiranḡk pamuh ḡianḡ wehirimah ran amar.

<sup>38</sup> Ami wehirehir Yakḡ Ohirah ahaz oror ḡimbar amar. Ave Satanimb andiḡ enta kivah rarindiḡ ḡajiminḡ amar. Mpi hamb hanihan sizindiḡ ri amar. Kirim yupir han ndin ankaripir mah amar.

<sup>39</sup> Ave mbi ekwaḡ we enambir Yakḡ Ohira ahaz orimar hanaveonanḡ ahaz orimar.

<sup>40</sup> Mach, ndiḡ ikwiḡnd ikwiḡnd ahaz ramḡgimar. Az Jisasiv ekwaḡ ai waz seziriv ikwi ḡgaḡimḡgimar. Aviz ndiḡ emirazahaz mbi nte ndin ya utiman arar kamḡgimir han miwamḡgin.

<sup>41</sup> Aviz Jisasiv ekwaḡ ai sezirih mbanave kamar. Ami mbah ḡgaḡi wir ḡimḡgimbiran oh a amar. Ui mach amar. Rapiranḡk hamb ndih ahevakarimar. Mbi Wiramind Nor han ḡe wiram enta kivah sizind oman insiḡ ḡgamindari amar.

<sup>42</sup> Njiahamḡgin om amar. Wavar amar. Wiram yan mbindiḡ oman insiḡ ḡgamindari hamb ndih ahevakarimar.

*Judasiv Jisasih kambiriḡirind oman insiḡ ḡgamimar*

*(Matyu 26.47-56; Luk 22.47-53; Jon 18.3-12)*

<sup>43</sup> Mach ave, Jisasiv ya mban kah ḡizand mbikir sezir emḡga Judasih, ndin emḡga mbindiḡ Jisasiv oman ḡkinḡiḡ undimaj sezirih ensamamar hamb, mbi pams hanḡon ahevakarimar. Mach, wiram kira aniḡnsar hanihan Yakḡ Ohirandiḡ ahaz ore ḡgamamind, wiram kira ya Mosesind injambir ahe sikahind, mach wiram untim ohira kira Judand hanave kamḡgiz wiram akḡ hamb Judasmen aimḡgimar. Mbi naip osapirind aitimind hanave hiraimḡgimar.

<sup>44</sup> Mach, wiram Jisasih kambiriḡirind oman insiḡ ḡgamimar hamb ndiḡ enambirun kamar. Nzi we wiram ndin kim kandin hanḡ wavar amar. Ndin anḡwore ḡe oman unḡkiri hirohe omanenta ovihivar amar.

<sup>45</sup> Mach, Judasiv ahevakare Jisasind piḡ pams hanḡon ai kamar. Aniḡziḡ entand are kirim kim kamar.



<sup>46</sup> Kim kaz mach, emngemnga hamb ndin angwore kirim namngimar.

<sup>47</sup> Wiram emnga hamb wiram anjnsar ohira hanihan Yakŋ Ohirandiv ahaz ore ngamamind ntij mamah najind hamb mbez aimar. Mach, wiram emnga ikwim ankwaniimar hamb naip osapir mbikir han je wiram kehand njempin han minjam akokamar.

<sup>48</sup> Aviz Jisasiv ndin kamar. Yan wamngin wiram akimind nin, handiv naip osapirind aitimind je yan angwore najin are aimngin oh a amar.

<sup>49</sup> Nzi andinmenam Yakŋ Ohirand marivai oram ohiran nin ya sikajin amar. Utindiv yan hanon angwore namah ramngan amar. Kirim eran ya anjzin enta Yakŋ Ohirand unchan ni han hamb ahevakariz amar.

<sup>50</sup> Mbi hanave kaz, seziriv ndin erere kirim kirorimngimar.

<sup>51-52</sup> Mach aviz, wiram norjir emnga hamb imin okaminjam epe Jisas mpehiromar. Mpehirozand ndin angwore najin arar ramngiz, kirim mbi imin han erere irinjir okarimar.

### *Jisasih aiyopand kirand pin hiromngimar*

*(Matyu 26.57-68; Luk 22.54-55; Luk 22.63-71; Jon 18.13-14; Jon 18.19-24)*

<sup>53</sup> Mach aviz, wiram kira hamb Jisasih wiram anjnsar ohira hanihan Yakŋ Ohirandiv ahaz ore ngamamind pin hiromngimar. Hiromngiz wiram kira anjnsar hanihan Yakŋ Ohirandiv ahaz ore ngamamind, wiram untim ohira kira Judand, mach wiram kira ya Mosesind injambir ahe sikahind minjamun hanave ankwawimngimar.

<sup>54</sup> Wiram emngemnga hamb Jisasih hiromngizand Pitav tanjipir kansind mpehiromar. Mpehirohe we imbiz wiram anjnsar ohira hanihan Yakŋ Ohirandiv ahaz ore ngamamind han ahevohe irivind kiramen piritimij yupir inji ngariwimngimar.

<sup>55</sup> Mach, wiram kira anjnsar hanihan Yakŋ Ohirandiv ahaz ore ngamamind, mach aiyopand kira minjamun, mbi Jisasih mamta oringaminjin are wiram emngemnga orengimngimar. Mbi Jisasiv utuhutuh enta kivah kivah sanj kehan kamngiz wawindiv ndin orengimngiz aimngimar. Az nend.

<sup>56</sup> Wiram akŋ hamb ai ndin ya yosa yosa kamngizand kirim ya mbindin hamb pamind minim.

<sup>57</sup> Mach, wiram hanaveang ankwanihiri ndin ya yosa mbanave kamngimar.

<sup>58</sup> Ari njihaminjand mbi hanih arar kar arimngimar. Nzi oram Yakŋ Ohirand wiramb asimngimar mban akorindarin arar kar arimngimar. Mach, nir emamp han icha asindarin arar kar arimngimar. Icha han wiramb masindiramngim arar kar arimngimar.

<sup>59</sup> Kirim ya mbindin hambez pamind minim.

<sup>60</sup> Mach ave, wiram anjnsar ohira hanihan Yakŋ Ohirandiv ahaz ore ngamamind hamb, mbi aiyopand kirand uhimin ankwani Jisasih amarimar. Ami nanih ya hamb awawimbiramngi handiv ami utindiv ya han orake kamah ran amar.

<sup>61</sup> Kirim Jisasiv ya orake mikam. Aviz wiram anjnsar ohira hanihan Yakŋ Ohirandiv ahaz ore ngamamind hamb ndin ekwang amare kamar. Nan wiram Yakŋ Ohirav mbikir osa anchi ekwang njimbimbindiv uyngwamimar hamb oh a amar. Nan Yakŋ Ohirand nor mbikir ensa njambaharin hand oh a amar.

<sup>62</sup> Az Jisasiv kamar. Han nzon amar. Handiv ami wamngin Wiramind Nor hamb Yakŋ Ohira oman minjind ankaripirnsind handih nkanindari amar. Mbi raka uncha nan handih ni nkaindari amar.

<sup>63</sup> Mbi hanave kaz wiram anjnsar ohira hanihan Yakŋ Ohirandiv ahaz ore ngamamind hamb yupir hirahir osapir mbikir han njunchiri kamar. Ari wiram emngemnga han mbikir enta mban kampihe kahindiv windiv morenginjam amar.

<sup>64</sup> Mbon Yakŋ Ohirah yarahe kaz ndih njihamngin amar. Ari ndin utizindirarin amar. Az mbi minjam ya vihe kamngimar. Mbi enta kivahinsind, mbi eran maz arimngimar.

<sup>65</sup> Mach ave, wiram emngemngav ondo ake ndin mpiñ atazipazivi imin emansin ampinsin asirame ndin oror kamngimar. Nan uñimb ororimbiramngi arimngimar. Nan Yakñ Ohirav ya kaninj han kav arimngimar. Mbi yan orimngi arar kav arimngimar. Mach aviz, irivind hamb ndin ñe orimngimar.

*Pitav Jisas miwarim arar kamar*

*(Matyu 26.69-75; Luk 22.56-62; Jon 18.15-18; Jon 18.25-27)*

<sup>66</sup> Mach, Pitav mbinjkw oram imbiz uncha handih ñimar. Ñizand anchi emnga hamb aimar. Anchi mbanamb wiram aninnsar ohira hanihan Yakñ Ohirandiv ahaz ore ngamamind oramin ntin ñanj.

<sup>67</sup> Mbi ai waz Pitav piritimn yupir inki ñkañimar. Ñkañizand anchi mbanamb ndin omanenton wehire kamar. Amez Jisas Nasaretindmen ñirin amar.

<sup>68</sup> Az Pitav kamar. Nzi nend amar. Nzi amakir ya kan han miwarim amar. Ave ñaiahe ahevai oram imbiz impikñ handih anjkañimar. Az aporamind hamb oramar.

<sup>69</sup> Aviz Pitav anjkañizand anchi mbanamb ekwanj we ondo ake wiram emngemnga anjkañihirimngimar han kamar. Wiram mbanambe ndinmen ñij amar.

<sup>70</sup> Az mbi ekwanj nend arar kamar. Mach, ñiñ nde wiram kira anjkañihirimngimar hamb Pitah kamngimar. Minun arimngimar. Nan wiram mbindinun arimngimar. Nan wiram han Galilind arimngimar.

<sup>71</sup> Aviz mbi ya ankaripiron ke kamar. Ñañ ohira amar. Nzi yosa kanin han, Yakñ Ohirav yan eran kivah siz amar. Ami wiram ndindiv kamngin kehan nzi miwarim amar.

<sup>72</sup> Mach, ya mban kazand pams hañon aporamind hamb ekwanj kirim oramar. Orazand Pitav Jisasiv ndin ya kamar handiv njhamimar. Aporamind hamb undimaj tim oramah razand ami undimapam tim kandiran amar. Nzi ndin miwarim arar kandiran amar. Jisasind ya kehan njhame Pitav njihiri kirim ñe ngwañ ohira ekamar.

## 15

*Wiram hamb Jisasih Pailatind piñ hiromngimar*

*(Matyu 27.1-2; Matyu 27.11-14; Luk 23.1-5; Jon 18.28-38)*

<sup>1</sup> Mach ave, uiv ñakaz wiram kira aninnsar hanihan Yakñ Ohirandiv ahaz ore ngamamind, wiram untim ohira kira Judand, wiram kira ya Mosesind injambir ahe sikahind, mach aiyopand emngemnga hamen hanave awakñi Jisasindiv ya orimngimar. Ya orimngiz mach raz Jisasih vihe omanaka unjiri hirohe Pailatind oman insin ngamngimar.

<sup>2</sup> Ngamngiz Pailativ Jisasih amarimar. Nan wiram aninnsar ohira osa anchi Judand oh a amar. Az ndin kamar. Amon ndih kan amar.

<sup>3</sup> Mach, wiram kira aninnsar hanihan Yakñ Ohirandiv ahaz ore ngamamind hamb Jisasindiv kamngimar. Mbi enta kivah kivah ranj arimngimar.

<sup>4</sup> Aviz Pailativ ndin ekwanj amarimar. Ami utindiv ya kamah ran amar. Ami enta kivah kivah rarin arar kamngi han, ndih njhaminanj oh a amar.

<sup>5</sup> Az nend. Jisasiv ya emnganj evoke mikam. Aviz Pailativ njihiri osapir njhakiramamar.

*Pailativ Jisasih ai onkirandin orikavizundiv kamar*

*(Matyu 27.15-26; Luk 23.13-25; Jon 18.38-19.16)*

<sup>6</sup> Mach, war pamuh pamuh yunñ ohira miroma unsa nand hamb ahevakariz Pailativ wiram pamuh rar oram kivahind han enduwazand ahevetaimnganj. Osa anchiv wiramind ensa orengimngiz Pailativ njhame enduwazand wiram hamb ahevaijanj.

<sup>7</sup> Mach, enambir han wiram hanaveanj gavmanmen erampe wiram mamta orempiramngimar. Orempiramngiz irivind hamb wiram han njimbi kiravihe oram kivahin inchakarimngiz ñimngimar. Wiram era mpambind han mbindin emnga mbikir ensa han Barabas.

8 Mach, wiram akɲ anchi akɲ hamb aharai Pailatih amare kamɲgimar. Ami war eɲambir enta randin hanaveaɲg ariɲindiv war mbananɲ randiran oh o nend oh arimɲgimar.

9-10 Aviz Pailativ ndih wamar. Wiram kira aniɲnsar hanihan Yakɲ Ohirandiv ahaz ore ɲgamamind hamb wamɲgiz osa anchi hamb Jisasindivam njihamɲgimar. Handiv aniɲnsar kira hamb ndin ɲe Pailatind oman insiɲ ɲgamɲgimar. Aviz Pailativ osa anchi han amarimar. Ami nzihanave njihamɲgin amar. Andiɲndiv wiram aniɲnsar ohira osa anchi Judand han enduwanɲ ahevaindiv njihamɲgin oh a amar.

11 Kirim wiram kira aniɲnsar hanihan Yakɲ Ohirandiv ahaz ore ɲgamamind hamb osa anchi han kamɲgiz mpi mbindinɲ hamb ɲaiahaz Pailatih kamɲgimar. Ariɲindiv Barabasɲam enduwan ahevaiz arimɲgimar.

12 Hanave kamɲgiz Pailativ ndin ekwanɲg amarimar. Nzi wiram mban ami ndin wiram aniɲnsar ohira osa anchi Judand arar kamɲgin han utizindarin amar.

13 Az mbi aware kamɲgimar. Ndin ai onkiranɲin orikavizuv arimɲgimar.

14 Aviz Pailativ ndin amarimar. Mbi utiman enta kivah si amar. Aviz mbi ohira kivah aware kamɲgimar. Ndin ai onkiranɲin orikavizuv arimɲgimar.

15 Mach, Pailativ osa anchi hamb imbir ɲimɲgiz are oram kivahind han enduwaz Barabasiv ahevaimar. Aviz Pailativ kaz mbikir ankwind hamb kiripa ankaripir ɲe Jisas ore kiramɲgimar. Orimɲgiz mach raz Pailativ Jisasih ɲe irivindind oman insiɲ ɲgame kamar. Ndin hirohe ai onkiranɲin orikavizubar amar.

*Wiram kira ankwind hamb Jisasih yarahamɲgimar  
(Matyu 27.27-31; Jon 19.2-3)*

16 Mach, irivind hamb ndin oman unkiri hirohe oram gavmand imbiz mbikir ensa Pretorium unchanɲ hirahevomɲgimar. Ndin hirahevohe irivind emɲgemɲga han oreɲgimɲgiz aimɲgimar.

17 Ai yupir hirahir osapir opang han ɲe ndininɲ ɲgamimar. Mbi kiripahensind hanez ɲe unkisarkir aniɲnsar ohirand emamp ondihe Jisasind zi handih ɲgamɲgimar.

18 Ave mbi ndinih yarahe kamɲgimar. Rapirind aniɲnsar ohira osa anchi Judand arimɲgimar.

19 Ave mbi karpa han ɲe zi mbikir han oror ndin mpiɲ atazipazivimɲgimar. Mach, mbi andamesa mpiɲorizɲingwiɲgw waroreɲge ndin ensa ɲambiahah ramɲgimar.

20 Ave mach, mbi hanave yarahoparahamɲgiz mach raz yupir hirahir osapir opang han ɲapai yupir hirahir akɲ mbikirun han ndininɲon ekwanɲg ɲgamɲgimar. Ngame ndin ai onkiranɲin orikavizunɲin are oman unkiri hiromɲgimar.

*Wiram hamb Jisasih ai onkiranɲin orikavizumɲgimar  
(Matyu 27.32-44; Luk 23.26-43; Jon 19.17-27)*

21 Mach, wiram emɲga mbikir ensa han Saimon, aiampira ohira mbikir Sairini. Ndin Aleksanderind Rufusind wanir. Mbi antanɲ ɲi aiampira ohiranɲ onɲin are ai ndinɲ kivinɲin azand ankwind hamb ndin ɲe hirai Jisasind ai onkiranɲ han enɲgwamɲgiz orambimar.

22 Az mbi Jisasih isupir Golgota handih hiromɲgimar. Isupirind ensa kehand ondo han mbanave, unsiɲ nsarind.

23 Mbi kiripa nor yamb han ai upir yamb mbikir ensa mir hansind ɲe itimai Jisas enɲgwamɲgimar. Kirim mbi minam.

24 Aviz wiram kira ankwind hamb ndin ai onkiranɲin orikavizumɲgimar. Orikavizu mbikir yupir hirahir akɲ han ɲe uɲimb epari ɲi pamuh pamuh ɲanɲin are Jisasind yupir hirahir akɲ han atakɲinɲin are ainor akɲ onɲa awimɲgimar.

25 Mach, rapiranɲk ensa ohirand kwi mband hanɲ ndinih ai onkiranɲin orikavizumɲgimar.

<sup>26</sup> Mach, ya ndin enta kivah ranj arar kamngi han ai esanj Jisasind zumpir insi handih hanave mpamngimar. Wiram aninnsar ohira osa anchi Judand arar mpamngimar.

<sup>27-28</sup> Mbi wiram undimaj akimind han Jisasinsind ai onkirandij orikavizumngimar. Emnga Jisasind oman minjindij, emnga oman ovejindij orikavizumngimar.

<sup>29</sup> Aviz wiram akij anchi akij hamb ai we yarahoparahah nde nsar onarar kamngimar. Aria arimngimar. Nan wiram mbanand hamb Yakij Ohirand oram akore yunjk undimapamij imbir asindiran arimngimar.

<sup>30</sup> Amonang hirawi ai onkirand han erere nganjkwav arimngimar.

<sup>31</sup> Mach, mbi kamngizand wiram kira aninnsar hanihan Yakij Ohirandij ahaz ore ngamamind mach wiram kira ya Mosesind injambir ahe sikahind hanaveonang mbon mbon ndin yarahah kamngimar. Mbi wiram emngemnga han hirawij arimngimar. Kirim mbi mbon hirawaw han nend arimngimar.

<sup>32</sup> Ndin wiram Yakij Ohirav mbikir osa anchi njimbimbindij uyingwamimar hamb mach wiram aninnsar ohira osa anchi Israelind kehamb arimngimar. Mbi eran ai onkirand han erere nganjkwaz, han we ndindij njihij ankaripir je njihamim arimngimar. Hanave kamngiz wiram akimind undimaj ndin pij orikavizumngimar hambez hanaveonang Jisasih yarahamngimar.

*Jisasiv mamta mamar*

*(Matyu 27.45-56; Luk 23.44-49; Jon 19.28-30)*

<sup>33</sup> Mach, andar pach han juh re ñi nanempand han rapiranj undimapam ñizand rapiriv ekwang kramar.

<sup>34</sup> Nanempand rapiranj undimapam ñizand Jisasiv aware kamar. Eloi, Eloi, lama sabaktani amar. Ya mbanand ondo han mbanave, Yakij Ohira ihind, Yakij Ohira ihind, yan utindij ererin amar.

<sup>35</sup> Aviz wiram emngemnga hamb ikwim ankwanihiri ya han njihame kamngimar. Wavar arimngimar. Mbi Elaija orengengimbiri arimngimar.

<sup>36</sup> Aviz wiram emngav anjanir we iminisa han je kiripa nor yamb ntikij han ngwame hiraimar. Hirai iminisa han aipanj vihe Jisasiv naz are njambiahe engwamar. Mbi ndin engwe kamar. Nkiranir weang amar. Elaijav ai ndin jenduwaz nganjkwandari oh o nend oh amar.

<sup>37</sup> Mach ave, Jisasiv kwa aware mamta mamar.

<sup>38</sup> Mbi maz imin ohira Yakij Ohirand marivai ohira oram unchanj ñimar kehamb zindijon unchirahe andamindijon hiringwavohe tim undimaj ñimar.

<sup>39</sup> Mach, wiram aninnsar ankwind kehamb ikwim ankwani Jisasiv mamar han we kamar. Minun amar. Wiram mban Yakij Ohirand Nor amar.

<sup>40</sup> Anchi kira hamb mbez tanjipir kansind ankwani wehirimngimar. Emnga Maria aiampira Makdaland. Emnga Maria Josepind minir, mach Josepind ranir Jemsind minir. Jemsih wiram norjir. Emnga Salome.

<sup>41</sup> Ejambir han, Jisasiv Galili handih ñizand anchi kira mbanamb mpehirohe ndin hirawimnganj. Anchi kira emngemnga hamb Jisasmen Jerusalemij aimngimar hambez ankwani wehirimngimar.

*Wiram hamb Jisasind ikwira han je nsiam min handih ngamimar*

*(Matyu 27.57-61; Luk 23.50-55; Jon 19.38-42)*

<sup>42-43</sup> Mach ave, Josep aiampira Arimateand hamb Jerusalemij ñanj. Ndinir wiram aiyopand emnga. Osa anchi hamb wamngiz mbikir ensa ohira ñimar. Yakij Ohirav osa anchi hanaveang njimbiz mbikir kwij ñindiramngi han, Josepivez kehan wanin are nkirananj. Mach, nanempand raz Yakij Ohirand Yunjk Wir Ñiñind hamb ikwim iviz, handij osa anchi hanihan han omanenta simngimar. Az handij Josepiv Jisasind ikwira han je nsiam min ngaminin are Pailatind pij kirimam omar. Mbi mezandikjim.

Kirimam we Pailatih amare kamar. Nzi eran Jisasind ikwira han ne hirohe nsiham minin ngamin amar.

<sup>44</sup> Aviz Pailativ njihamam ni kamar. Jisasiv ndih mi oh a amar. Ave mbi wiram aninnsar ankwind han orengiz aiz amarimar. Jisasiv ndih mi oh o nend amar.

<sup>45</sup> Amariz ndih mi az Pailativ Josepik kamar. We Jisasind ikwira han ne hirohe nsiham minin ngamb amar.

<sup>46</sup> Mach aviz, mbi we imin okam osapir han unki engwe hirohe Jisasind ikwira han ne hirinkai imin okam han vihamar. Vihe hirohe nsiham min awamngimar handih ngamngimar. Ngame nsiham ohira ondihondih han enariz ai min han inchakarimngimar.

<sup>47</sup> Maria aiampira Makdaland Maria Josepind minir, mbi hanave wehirehir ni sam Jisas ngamngimar han wamngimar.

## 16

### *Jisasiv ekwang najahamar*

*(Matyu 28.1-8; Luk 24.1-12; Jon 20.1-10)*

<sup>1</sup> Mach ave, Yakn Ohirand Yunk Wir Ninind hamb mach raz Maria aiampira Makdaland, Maria Jemsind minir, mach Salome hanave we Jisasind ikwira iramanin are aiwir yamb unaknsind han unki engwamngimar.

<sup>2</sup> Mach, mbi yunk aninnsar han mband zuhun najiahe nsiham min Jisas ngamngimar handih omngimar.

<sup>3</sup> Ave mbi mbon mbon kamngimar. Unimb arin hirawi nsiham ohira han min inchakarimngir kehan enaraviz ondari arimngimar.

<sup>4</sup> Kah nde we sihowe wamngiz nsiham ohira hamb min ampan nimar. Nsiham mbanan ohira kivah.

<sup>5</sup> Mach, mbi nsiham min han ahevohe wamngiz wiram norpir yupir hirahir osapir okaminsind hamb oman minind handih nkanimar. Az anchi kira mbanamb wiram mban we ntamngimar.

<sup>6</sup> Aviz ndin kamar. Ami ntamngimin amar. Ami Jisas aiampira Nasaretind han ai onkirandin orikavizumngir han kirahir aimngin amar. Mbi mban minim amar. Ndin Yakn Ohirav ndih nambiahandahi amar. Ami sam mbikir ndin ngamngir mban wavar amar.

<sup>7</sup> Ami we sezir mbikir mach Pitahez kavar amar. Jisasiv mboz injore isupir Galilindin ndih ombiri arar kavar amar. Ami ndin handih wandiramngin arar kavar amar. Mbi ya han andin enambir ndih kar arar kavar amar.

<sup>8</sup> Az mach, anchi kira mbanamb wamngiz wer ndin zin piroringaz nte mach, mbi nsiham minin ahevetai kirorimngimar. Mach, mbi ezandiknahambi, ya mban hirohe wiram emngemnga misikamngim.

### *Maria aiampira Makdaland hamb Jisas wamar*

*(Matyu 28.9-10; Jon 20.11-18)*

<sup>9</sup> Mach ave, Jisasiv yunk aninnsar han mband zuhun najiahe we ahevakariz Maria aiampira Makdaland hamb mboz ndin wamar. Enambir han Mariav iti kivah ahinsinsind fianj han, Jisasiv iti kivah akn kehan kiangworangwimar.

<sup>10</sup> Mach, osa anchi Jisasmen ndahirimnganj han aknin ahaz ngwan ekamngizand Mariav we ndin kamar.

<sup>11</sup> Jisasiv ndih najahandahi amar. Nzi ndin wandiwin amar. Aviz mbi mbikir ya han njihame, njih ankaripir minjihamngim.

### *Sezir undimaj hamb we Jisasih empasamin wamngimar*

*(Luk 24.13-35)*

<sup>12</sup> Mapin han, Jisasind sezir undimaj hamb aiampira ohira han erere omngizand, Jisasind emansin emngon ahevakariz, mbi ndin pin ahevakarimar.

<sup>13</sup> Aviz, undimaj hamb ai mbikir sezir emngemnga han sikamngimar. Kirim mbindin ya hanez njihame njih ankaripir minjhamngim.

*Jisasiv mbikir sezirih ntin hanave namngiz are kamar  
(Matyu 28.16-20; Luk 24.36-49; Jon 20.19-23)*

<sup>14</sup> Mapin han, mbikir sezir oman nkinjing pamuh hamb ngariwi unsa nan ninngizand Jisasiv ndin pin ahevakarimar. Ave Jisasiv ndin ankw si kamar. Ami wiram kira entachand, handiv njih ankaripir njihamimah ramngin amar. Osa anchi emngemnga hamb yan wamngir hamb andin kamngir amar. Yakn Ohirav Jisasih ndih nambiahandahi arar kamngir amar. Kirim ami mbindin ya han njih ankaripir minjhamngim amar.

<sup>15</sup> Mach ave, Jisasiv ndin kamar. Ami Yakn Ohirand ya imbir han hirohe isupir emngemnga han we osa anchi minjamun engwavar amar.

<sup>16</sup> Unimb ya imbir mban njihame njih ankaripir ne yambin kniringwi najahandari han Yakn Ohirav ndin ekwang ndandari amar. Kirim unimb ya imbir mban njihame njih ankaripir njihamimah randari hamb, mbi nend amar. Yakn Ohirav ndin ntin kivah engwandari amar.

<sup>17</sup> Osa anchi hamb mbi ya imbir mban njihame njih ankaripir ndiramngi hamb mbi ntin ankaripir han ndiramngi amar. Han wiram akn anchi akn han mbiramiz Yakn Ohirav ndinndiv ni hirawij amar. Mbi ihind ensan iti kivah akn han kiangorawindiramngi amar. Mbi ya han yimbim ichan kandiramngi amar.

<sup>18</sup> Mbi akwi han omanin ndiramngi amar. Mbi hanihan kivah wiramb ne mamngij han mbi ne mimandiramngim amar. Mach mahororinsind han mbindin omanaka insin ngamngiz wer mbi imbir randiramngi amar.

*Yakn Ohirav Jisasih ne mbikir Aiampira Ohira Nan handih hirawaromar  
(Luk 24.50-53; Aposel 1.9-11)*

<sup>19</sup> Mach ave, Aninsar Ohira Jisasiv ndin ya mban kaz, Yakn Ohirav ndin kirim ne mbikir Aiampira Ohira Nan handih hirawaromar. Hirawaroz Yakn Ohirand oman minind ampan nkanimar.

<sup>20</sup> Mach, seziriv aiampira akn aiampira han kirim hiro hirai ya engwamngimar. Hiro hirai ya engwamngizand Aninsar Ohirav ndin hirawimar. Mbi ndin hirawiz ntin ankaripir namngimar. Mach, osa anchi emngemnga hamb ntin ankaripir namngimar han we kamngimar. Mbindin ntin ankaripir arin mbiramiz Yakn Ohirav ndinmen niz mbindin ya hamb minun ni arimngimar.